









此雙韭山房鈔本續爾上者舊詩存二十三家
今分裝四冊中有看雲草堂格鈔補看雲
為鄧董懋遠別署也予別有董抄大本者
舊詩三十八卷三冊蠅字頭細字惜其殘缺蓋
懋遠於此書用功之勤非後輩所可及者不
審其字行狀容後日詳考之庚辰二月五

日馮貞羣

日臨良款

書其各法如
發其法如書
卷外三十八卷
古碑書法如
今台翠四冊中
如雙並山或於



之集或二月正
不半可也
七部其後於
不登於大
蘇州蘇州
蘇州蘇州
蘇州蘇州

雙文並山房鈔本續三冊上者舊詩目錄

計二十三卷四冊

雙韭山房鈔本續角上者舊詩目錄 許三三家四冊

張尚書煌言



陳隱君峽

包隱君愛

錢布衣豹

不了和尚前巢令王應記

貞靖先生周齊曾


王常博玉書

周監軍元初

節介陸先生宇鼎

高斗樞

貞愍先生李桐



海外幾社六子之一

張尚書煌言

字元著別號蒼水崇禎十五年舉人後起義兵官階尚書殉國難諡忠烈著有水槎集奇零草北征錄米薇吟諸集行世

懷古

卓哉一臣靡赤手挽禹歷澆促既迭生
剗灌且並滅君方振有仍臣也奔有萬
國亡四十年興滅復繼絕杞夏伊誰
功萬古冠臣節少康固不世臣靡何寂寞

我懷申大夫哭秦卒復郢人定能勝天
一言重九鼎亦有張長史唐室賴藩屏
當其語江中籌畫先井古人秉忠貞
謀國無微倖揅此左券言勲名終彪炳
如何通播臣智勇不得騁廢興寧有運
吾欲訟青冥

田節瀟城同諸公行長至禮丁亥

幾年卧節夢金鑿綿蕞猶班舊握蘭
葭管初開周甲子蔥珩重見舊衣冠
嵩呼恍覺爐香近海曙猶疑扇影寒
惟有臣心水雪淨逝將綵線續双丸

閒居

揮手歸鴻望已乖。風塵依舊兩芒鞋。人居閒處非佳境。事到難時且放懷。無限興亡看越絕。何妨奇怪說齊諧。孤踪轉覺支離甚。一任蒼苔自上階。

和肅魯侯黃虎癡承制頌歷韵

駁馭遙臨斷緒鞭。孤臣頌歲紀星纏。曉籌冷落雞人唱。寒管驚回龍子眠。舊放梅花知漢腊。新添萱葉是堯年。義熙何用陶潛載。日月中天正朗懸。

戊子元旦步張鮑淵太傅韻

椒花幾度頌千春。惆悵瞻雲只表臣。海國尚留桑版舊。山家猶見柳條新。三年嚙雪雙蓬髮。萬里乘風七尺身。賴有老臣遲劍履。相看端笏對楓宸。

送黃金吾馬侍御乞師日本

中原何地足依牆。惆悵徵師日出方。龍節臥持豸客魚。

書泣捧劍衣郎黃河北去浮青雀滄海東回猷白狼佇聽
無衣萬里外繡衣應復掛扶桑

余自丙戌踏海奉違家君定省已四載矣茲待罪軍旅
每一念至為之黯然已丑

獵火年々急羽書飄零子舍竟何如不因闔外驚投袂那
見庭前嘆絕裾燕語空梁泥自落鶻啼細柳血應枯遙知
今夜闌山月獨照龍鍾人倚閨

鐵衣何事換斑衣朔雪炎風歸未歸莫慰兒觥娛畫綉聊
憑龍首報春暉傷雲轉悔辭家易爽日還慚故國微記得
青箱多舊訓丹心玄髮敢相違

追輓屠天生

雉壇曾記拈陰符共挽天戈指
我似魯連還抗節君
為翟義竟擢捐軀旋頭應避祈連塚
匕首空藏督亢圖
去延陵須掛劍只愁零落是楷模

天生元配投綬殉夫臨終有詩

碧血沆乾滄海塵深閨誰是未亡人
魯聞脫珥都忘緯豈惜磨笄並化
熒荀女當慚珠未碎明妃莫怨玉難
春臨危猶作離鴻調字遺丹在縞巾

輓楊瑤仲廣文

澤國由來已墜天敢云補闕有青羶
欲逃東海波難挽縱餓西山薇亦羶
屋上幾時曾集鵬堂前從此不升鱣
相遭猶記言珍重豈意歸吟薤露篇

輓華吉甫明經

臭檄統傳身已危英魂烈骨任披離
華夷兩字書生辨節義千秋史氏知
遊去玉樓堪作賦投來鐵匣尚留詩
更聞煨鍊神偏壯慷慨如歌易水辭

輓楊玄石侍御

避莽曾誇漢兩龔連臣浩氣正如虹
何斯士雅鞭先着轉

覺賓王檄未工華表應歸千載雀夜臺誰避五花驄獨憐
江左風流盡禾黍依然滿故宮

侍御室人從容就義

何人重上望夫山血影糝糊不可扳漆室有憂曹叟縞崩
城無計竟投繯沉來婺彩光猶映揮到湘筠淚自斑多少
頰眉中幘態却由彤管嘆紅顏

輓董若思明經

昨夜貪狼始越軍早嗟玉折與蘭焚孤臣錯擬清河客力
士空求滄海君丞谷丸泥封未得豐城劍氣杳難分悲歎
不獨為姻媪雁影遠天奈失群

輓馮躋仲侍郎庚寅

一夜烽烟五大原文星早共將星昏埋肝尚擬扶宗社酒
血何辭瀝廟門同穴先悲梁上燕覆巢早泣夾中猿只今
大樹還零落異域誰招馮母

躋仲妻縊子傑
母被沒入故示

輓王完勳侍郎辛卯

憶君被褐草間來，慷慨論兵未易才。
薄海誰堪師畫色，下江應許画雲臺。
星沉漢壘貪狼耀，風勁胡營戰馬哀。
伏劍猶聞歌正氣，心懸陵母亦悲哉。

壽鯢淵張相國

扶桑之國蓬萊鄉，日月所臨生氣長。
遙與九峰三泖接，神仙窟宅天地房。
乃有格人降箕宿，兵甲冒羅腸。
篆籀見鸞先從闕下飛，鷹冠獨向殿中驟。
天佑膚公為洗兵，朱旂玄鉞伏南征。
日轂朝扶宸極正，星鉞夜掃彗纏平。
乾坤有待銅馬帝，制閩旌旄橫。
滌濟蚩尤欲殄夢，吹塵昏靡夏登歌。
作礪丹心洞達八荒開，黃髮溫恭萬厦恢。
謝棋墅上時，賭狄李蹊邊處。
栽先生花甲，今復始老擬中書。
二十四尋內和羹手，自調焉用金盞與玉斝。
况對仙山咫尺間，徐市曾尋大藥還。
避芥子真丹井，在安期醉墨桃花斑。
卓哉

先生能壽國，螯柱孤撐挽。百六震淵倒，影浴咸池上台。含
耀觸寒谷，君不見吾家三戟世。風流杖履從容，燕子樓自
是綸靡同。噉蔗何須海屋，復添籌又不見。漢興正賴子房
策，封畝高蹈求黃石。世間更無却老方，不朽功名綿史冊。
宗風千載先生存，轉局旋樞裕後昆。婆娑彌覺朱顏駐，
衣冠安足論。

弔沈五梅中丞

香臺咫尺渺人琴，萬里寒潮送夕陰。報國千秋藏碧血，毀
家十載散黃塵。名山難瘞孤臣骨，瀚海空磨戰士鐔。畝得
荒祠姓字古，春婦惟有杜鵑吟。

輓張鯤淵相國

一身真可繫危安，垂死威儀尚漢官。魂返黃墟應化碧，顏
面青史即還丹。千秋共惜遺金鑑，十載何慚戴鐵冠。也識
公歸箕尾上，定依日月倍芒寒。

紗籠姓迥氏無暇晚節何如五柳家欲報君恩餘白髮祇留相業在
黃麻樓空燕子從風墮門冷龍孫帶雨斜先生諸姬被畫殉一孫被囚故云一自墨胎歌
浙後華亭宦嘆更堪嗟

輓大宗伯吳岳稚先生

冰稜玉尺倚容臺一片孤忠天地哀儼尔鬚眉面四皓黯然誓宇入三台
引年難遂懸車去逐宦徒悲化杖回深負先生歸骨望吳江楓冷
霍還來先生吳江人

一掌河山亦踐跡老臣霜雪正盈頭掀髯猶把棄滄恨扼吭甘從孤
竹遊自是澤宮堪荐俎先生畢命於學宮豈無夜壑可藏舟繞朝當日稱先達

惆悵生芻何處投

輓朱聞玄少宰

風流名節搃相兼冰鑑高從北斗瞻老去漢臣猶避莽歸來陶令未名
潛一官直與夔龍並七尺甘從豹虎織試向星辰還聽履炎輪應為
返西崦

極目烽烟點髮毛問問已識幾地難參雜社嚴無新胆草珠明度首

極目烽烟點鬢毛，間閔已識數途難。
黍離社稷無薪胆，草昧朝廷有節旄。
自許孤忠遺海岸，人悲啟事失山濤。
臨風不盡招魂賦，那忍重看舊佩刀。

輓安洋將軍劉胤之

羽聲落日泣兵殘，斗大孤城獨據難。
虎體掩拚隨朝露，龍精空向暮雲寒。
數竒偏少封侯骨，力竭惟餘報主肝。
歲二芳洲腥草綠，飛燐猶繞舊登壇。

秦吉了

秦吉了生為漢禽，死漢為塞。南塞北越，禽多飛。悵望故山，令人老戴鳴。鳴華音載飛，華王翻折翅。雲汝敢我侮。

生當為國友，死不作雁奴。我自名禽，不可辱。莫待燕婉生胡雛，猶嚇。鷓鴣徒唱倉廩空，格磔哀哉不能言。起視東禽，嘗歎息。

滙洲行 壬辰

自從錢塘怒濤竭，會稽之栖多鍛翻。甬東百戶古滙洲，居燕天塹高碣石。

青雀黃龍似列屏蛟螭不敢波間鳴虎嘯怎如秦婦女魚旒半是漢公
卿五六年間風雲變帝子南巡開宮殿由東洋國伏樓船烏鬼漢人
都不賤堂怡穴門幾經秋 來飲馬滄海流共言滄海難飛越况乃北
馬非南舟東風亦與 兒便一夜輕帆落奔電南軍鼓死將軍擒從此
內軍罷水戰孤城間鷲早登陴萬騎歷城欲夷砲聲如雷天如雨城頭
甲士皆瘡痍雲騎百道凌霄起四顧援師無騶蟻畏瘡奮呼外宅兒
誓死痛哭良家子斯時帝子在行間吳淞渡口凱歌旋誰知勝負無常
勢明朝關已破 関又開卷戰衣旌倒覆城草塗肝腦忠臣盡葬伯夷山義
士悉劍田橫島亦有人自重圍來向余細說令人哀椒塗玉葉填晉井
甲第珠璫掩劫灰而今人民已非况城郭髑髏踞號寧復向玉花新饒遺
鏃黃石臺苔早繡跌斫綠嗚呼問誰橫驅鐵衲褶翻令漢土剪龍荒
安得一劍掃天狼重酌椒漿慰國殤

吊熊西殷公

怒飛夫日勢排空垂觸何云猶伏戎半壁雄才終把石三台殺氣已成虹高

名未許容周顛正色由來忌孔融
猶憶錢唐白戰血至今
春草帶殘紅

吊義興侯鄭履公

五陵豪客徹侯封翼折天門第幾重
陳勝亡秦先發難劉琨為晉竟罹凶
稽山甲盾從今散橫海樓船不自容
一似鷗夷乘浪去我來何處吊遺踪

飲酒

世事驚心強自娛蕭條旅館日提壺
嘗言諸葛真名士猶作高陽一酒徒
座上何須分雅俗杯中原不入榮枯
且須仗策春陵去王粲登樓賦有無

送萬靜軒復命行在

聞君攬纓向蒼梧三月柳花媚客途
星漢初迴英蕩節風流未減繡
螭孤嶺梅見使歡相接岫柳懷人強
自扶莫怨兵塵連瘴雨王師傳說下荆湖

步答高靜齋翁田別韻兼以勸駕

經旬客邸正相尋
君去應嗟迓草深
帝子偏安猶半壁
王孫盡報只千金
梁鴻自是難分手
范蠡何堪有隱心
好向屬車勤獻策
楚材莫作楚騷吟

贈徐闇公年丈

王謝風風流
誰更傳雄文
并載國門懸
胡床高路談
經日漢室初徵射
策年每擬珊瑚
為架筆雅聞
縷組並當筵
豈知把臂蓬壺外
江左衣冠傲晉賢

竹箭東南橫得名
飛來龍劍却爭名
誰云四海同科第
自是中原一社盟
懸榻君應稱快事
乘槎我亦嘆勞生
他年若遂尊鱸興
共擬山陰道上行

吾道滄洲任所遭
豈因標榜善名高
重逢尚握蘓卿節
久別誰彈鍾子搵
明月開樽皆勝侶
春風入座似醇醪
偉長未便從軍老
已羨文章晚更豪

舟次清明拈得青字

春光客路轉飄零擬踏平無柰小青自覺草生偏入夢可
憐花醉未曾醒松楸雲隔千峰斷楊柳烟迷兩岸暝欲隱
尚違慙介子年、寒食卧江汀

絕炊

炎涼雖世態不信在同舟自去梁間燕真同水上鷗婢原
無赤脚僕已鮮蒼頭亭午炊烟絕何能免百憂

贈馬爾毓職方奉表粵中

頻年北極未迴奎萬里朝宗行路難孝直終當扶蜀堦太
真時亦奉劉丸乘風共聽尚書履近日應隨御史冠此去
君家銅柱在長纓好請繫樓蘭

擬別義陽王

紫橐宏戈事幾秋傷心忠孝竟何酬投閒肯寄通侯廡拈

隱空登學士舟滄海拂來惟面袖赤霄繫去有双鉤日明
倘下緱山霍準擬追陪偈伊維遊

端午客鷺門

偶逢南海菖蒲節轉憶西山薇蕨生風俗不殊鄉國并年
華一去夢魂驚何須繫縵為長命安得懸符盡辟兵客况
凄其聊對酒莫辜好景是朱明

與蔡無能論興復

塵纓濯罷便投綸忽道風雲起孟津豈有龍文成五色猶
然鹿走在三秦赤符奉去應非謬黃石傳來是自是真安
得此身生羽翰高擲橫擊待攀鱗

感遇三首

自憐盤節尚千盤信是人間行路難落拓何曾誇馬骨淹
留豈為戀猪肝交遊亂後知誰在故老閑來傍若看多少
雄心空對酒能無青泪滴琅玕

相傳伯越有神山國破空留匹馬是赤堇神駒難復誇黃

相傳伯越有神山國破空田匹馬還赤堇神駒難復鑄黃
間勁弩似堪彎此時始識通侯貴何事翻令做客間
是是非千古定好將腐史手重刪

片石誰能破亂沉冠裳無計且依劉未須名附青雲顯祇
覺心同白日田避地幸存周甲子誰人漫著晉春秋微軀
慮向風塵老後死終慙清惠侯

別陳齊莫偶乘越榜向南飛
偶乘越榜向南飛客夢驚回起拂衣瀛海屢經龍戰後滄
桑漸見雁來稀杜陵入蜀悲難去杖屨遊梁笑未歸今夜
刀頭明月滿臨沉那得竟忘機

贈駱亦至

客自涪州至蕭然野雀姿青雲猶冉々白雪故離々混俗
原無我廉頑更有誰蒲輪指日在莫漫采江蘼

唐室當中葉君家有右丞雄文堪討賊苦節亦為僧踪跡

今相似遭逢古未嘗會須扶日月滄海見鱣升

夢內

到處青山足住家無端夢繞天涯中宵細語蘋蘩節蒲
地離愁蘆荻花約畧刀環窺月影分明砧杵喚霜華遽然
一枕成何事亂逐秋風向若邪

追往八首

棄繻猶及到燕關慘淡風雲十載還狼鬣自從當日舞龍
髯能得幾人攀漢陵弓劍存亡後晉室衣冠與廢間轉眼
書生成故老慚無媧石補江山

六朝遺跡雨花臺盡識先皇草昧開南渡尚留龍種在東
遷祇避犬戎來却悲羯鼓荒原動不見羊車複道迴國破
何人猶抱膝當年應有管蕭才

長駟騎幾曾經草木江南盡帶腥肝腦搥因塗舊闕鬚
眉誰復嘆新亭推承博浪沙皆起擊注錢塘潮亦停回首

河山空血戰，只由風雨响青萍。

王業分明記昔年，乾坤日月尚雙懸。
虹霓初亘牽牛際，雨露遙承附鳳偏。
握節可曾干斗象，持籤應亦傍爐烟。
由來國脉難調久，自昔原慚士雅鞭。
浮生踪跡笑勞薪，倒挽天河又幾春。
細柳屯中稱漢使，扶桑州上避秦人。
曾嘗虎口身仍在，為歷羊腸性已馴。
窺鏡每憐形影瘦，誰從百折飽風塵。
幾投珥筆幾凋文，屈指滄桑意若何。
金狄豈愁王氣盡，銅焦誰說死聲多。
五千甲盾收餘燼，百二山河挽逝波。
天夢到金疑未醒，沉吟轉憶采薇歌。

曾挂星槎滄海東，冠裳涕泪捧重瞳。
禹餘風物成離黍，越絕功名類轉蓬。
早歲頻書惟羽檄，經年徒讀是檀弓。
無家况復鵑啼急，腸斷江花爛熳紅。

危峰斜日照疎墩，往事蒼涼那可論。
司馬名因方外貴，臥

龍才合世間尊一時市道看梁苑千古交情問翟門高踞
繩床還睥睨幾回海沸與山奔

閩南山

閩南自古龍蛇孽犬羊闖入為窟宅元公仗鉞起海東劍
躍蜿蜒子霹靂一戰築京觀再戰解推結三戰合圍漳州
城萬灶星羅盡樹柵是役也彈丸小醜尚陸梁登陴不畏
河魚疾迴看百雉早懸燈始耀圍闌光為赤城頭刁斗寂
不聞惟聞死聲動箠葉我軍鼾睡聲如雷戰馬高嘶待橫
擊平明兩軍仍相持似惜人命膏鋒鏑嗟：狡魯何其愚
奚不凶絕袒轆門行自絕憶昔深秋馬肥燒荒獵火天
成血橐駝九陌換銅駝指顧中原少堅壁不數年間殺軍
回漢人復熾人滅區、所歎與釜魚天戈所指應無敵
應無敵多鹵獲或獻俘或獻馘此時龍戰血玄黃功成誰
念溝中瘠兵家奇正鮮常形頓軍堅城豈善策試籌遁甲

你陰符大武何嘗窮矢石

我師圍漳郡余過覘之賦以志慨

溟南見說築金臺長揖諸侯壁上來地險分明疑似米天
驕竄據勢如鬼愁登廣武論劉項倦向梁園逐馬枚却聽
雄風歸楚望聊當飲玉一啣杯

馬爾毓有從軍之嘆戲成二律詒之

一劍南來說吳裾缺聲早怨出無輿粉曹迴憶馮唐節油
募聞誇阮瑀書應諱崔翎先自剪翻伶雞肋轉成虛烟霞
清供難分寄恐尔蓬心尚未除

北山奈可又移文投筆雄情誰似君掉舌尚能高揖客掀
髯誰許薄參軍嘗秦白璧歸何處問楚黃金費幾介始信
臥龍明出處草廬先已定三分

將朝王阻颺不果

擬向平臺一問津驚濤無卵拍江濱去留轉覺隨龍子來

往何能逐雁臣似放沅湘猶恋主非閔河朔肯迎賓
綠知岐路風波惡決計尋山學隱淪

步韻荅徐閣公

窮途前日更難消膝有圖書伴寂寥怕業徒看秦望氣容
愁似馮唐陵潮共歌叢桂山中發誰識焦桐爨下燒潦倒
未應猶倔強丈夫久已學承蜩

同姚興公萬美公過訪陳齊莫小酌

回首知聞北海濱南來猶見故鄉人君因久客翻為主我
亦同仇况比隣八載滄桑愁欲老一尊清酒話相親共悲

吳越烽烟急太史占星正聚閩

姚興公
吳人萬美公

感懷二首

滄江一臥已心灰避地何人賦七哀欲遣新愁悟後去翻
招徠恨醉中來六橋啼夢吹衰柳五月寒岩聽落梅擬學
冥鴻差意回看玄髮又徘徊

浮名世上長蓬心我自高歌獨抱琴
流水非因鍾子調陽春只合郢中吟
乾坤大抵分王霸治亂由來半古今
轉悔十年塵事拙不如經濟在山林

沈彤庵閣學艤舟南日山遭風失維不知所之未卜存亡余猶望其來歸也

昨夜驚濤勢轉雄孤帆何處御長風
沃焦不信膠舟解博望初疑銀漢通
欲問馮夷愁莫應倘成精衛恨何窮
哀歸當有支磯石豈遂騎鯨向碧空

送萬美功還越時其弟靜菴將赴行在
令弟將南邁元方又北行
炎荒萬里節越絕一歸旌
欲聚非麋鹿難分是鶴鷓
祇應山鬼語但見道行人

書懷

一劍橫磨近十霜
端然搔首看天狼
勳名幾誤乘槎客
意氣全輕執戟郎
圯上傳書失絳灌
隆中定策起高光
山河

縱破人猶在試把興亡細較量

師至湄島諸勳鎮行長禮予以服制弗豫志感二首

棘人終歲解朝簪憂國江湖一片心太史徒然吹鳳律諸
侯空自噉鳶音風塵漂泊隨南北雲物淒涼感古今慰藉
新陽來六管胡霜朔雪不須侵

陽回曙鼓動樓船遙憶千官上壽年漢殿微侯原裂地周
廬亞相盡朝天香爐重傍疑難望繡線初添喜復添猶恨
春回冠帶僉會身隨日影到虞淵

至復傳王師出東粵志喜

土圭才見景初長忽報天聲出五羊始信玄陰消北陸懸
知赤伏擢南荒金魚尚自唐分錫銅馬翻為漢辟疆此日
孤臣淹漲海衣冠拂拭待從王

壬辰除夕高湄州禪院

浪跡天涯又歲寒強拈枯影對辛盤鄉思暗逐鯨波寫世

事明曠漁火看栢葉樽前催律呂蓮花漏上換支干江山
百戰渾非舊曲得蟠溪把釣干

癸巳元日步友人韻

靈槎容易度流年海角春雲思黯然地近虹津湛浴日潮
生蜃市欲黏天東來已識陽當震北望誰云歲在燕先甲
後庚應有象抽毫預擬中興篇

春到

春到何閑御國情無言芳草自分明一經作客沅離久幾
度遊逢人賦媚庄雄劍携來空顧影祥琴彈罷不成聲閒
身搃絕浮雲意特為湏眉未放行

人日立春客酒島

海外行藏不計春起看天地亦維新鼓鼙往歲聞呼癸斗
柄今年說指寅讀禮每思箋大戴授書尚擬讀君陳東風
似為羈人至暖氣偏吹白氈巾

憶余在滄島與張鯤淵朱巒雅朱聞玄諸先生輩從遊
一時情文宛然今三君俱已殉國難而余在行間獨
偷視息然感、靡騁蓋不勝廢興存亡之感矣

年、酒泪看桑田陶謝風流已盡指伊昔何人陪後乘我
今何處競先鞭未消肝膽憑誰託無恙須眉祇自怜轉覺
諸公真羽化夜臺杖履亦珊珊

舟次琅琦謁錢希聲相國殞宮二首

琅江東去水如油拜墓停橈古渡頭赤手曾扶板蕩運黃
腸猶帶黍離愁波濤腥壑蛟龍虬風雨荒塋麋鹿遊懸擬
攜車歸北日同天應已靖

表

勾餘霸氣已成灰轉憶當年漢熾開王謝聲名原伯仲温
劉事業總追陪自從化劍分豐獄誰復調琴到夜臺戎馬
南方猶未息故人空負炙鷄來

重經南日弔沈彤菴相國

木落天空肅氣森
重來海岸悵人琴
從秦孤偃空投壁去
越鷓夷容范金渭曲
璜隨隻鯉逝延津劍
化一龍吟只今
桑下誰相語獨倚孤蓬
淚不禁

北還入浙偶成

南浮北泛幾經春
死別生還總此身
湖海尚留奔客山
川應識報韓人
國從去後占興廢
家近歸時問假真
一寸丹心三尺劍
更無餘物答君親

舟艤行

乘舟艤載餘艤
捉鉦捉鼓走風檣
滿船兒郎抹額黃
人言若輩真鷹揚
飢則攫人飽則賜
江材雞犬絕鳴吠
老稚吞聲泣道旁
罄我瓶中粟使我朝
無糧斷我机上苧
使我暮無裳我亦遣
民事耕織當身不幸
見滄桑入海畏蛟龍
登山多虎狼官軍信
武何不恢城邑願輸
夏稅供秋糧

揚芳生以徐闇公高弟浮海來晤于東甌爰贈一章

揚生美髯白接羅來自雲間耿少微自言年少曾問奇南
州高士則我師南州迨、不可極且去杖藜看山色永嘉
山水稱妙絕君獨掉頭嗔耳食既疑雁宕構虹橋復怪龍
湫剪鮫綃看屐扶筇何太苦丹崖翠嶂枉相招古人相馬
惟相肯君今看山但看笏相君胸中自有五樓十二城安
用崑舞蛮飛之奕兀揚生能酒復能棋酒亦不分賢聖棋
亦不辨雄雌左手一坪右一卮掀髯大喙誇兵機兵機無
過古道甲君已稍、知涉獵願君持此覓封侯男兒豈肯
長彈缺君家子雲太糊塗那曉春陵赤伏符今君不向玄
亭老羞勝當年莽大夫

送姚興公北還

客中送客復何言門外驪歌酒一尊芒屨故應尋帝子燕
床豈必戀公孫只愁句社高風散况看滄洲落日昏吳越
交遊如見問雞聲竟夜起劉琨

三山幾度費逢迎今日重辭萬里行短髮雖凋猶晉士長
裾不曳似侯生蒼茫挂席供圖畫瀟灑空囊剩墨兵此去
莫愁無遇合姚宗原百救時名

送徐闇公監軍北征二首

魚檄朝來幕府傳夕携龍節上樓船元卿未許開先廷士
雅還期共着鞭始識山中宙宰相非閑海外覓神仙佇看
露布橫飛處不是京州倚柱年

幾年獨立金華省此日重登青翰舟準擬真人開北極豈
容高士臥南州錦帆直指天聲壯羽扇輕揮王氣浮匏繫
如余甘歛落秋風倘許脫鷹韉

入吳

萬里寒江一棹過連天野燒奈愁何風雲鬢首憐毛羽霜
雪攢眉羨薜蘿閩嶠駁歸音自好滇池龍起瘴猶多年來
出處渾無據見說蒼生倍輒軻

贈盧牧舟大司馬

自昔公為兵使者于時我作上書人鑑湖一曲皆崇樹碧海重逢並葛巾劉劍氣終當開日月履聲早已傍星辰并州正有來蕪望思說桃源可避秦

寄紀石青年丈

歸帆一掛鷺江濤紫氣南迴望轉高閨塞羽書偏間隔乾坤蓬鬢正蕭騷山中到處巢玄雀海外何人釣大鰲極目寒雲雲空在抱不知鴻雁為誰勞

入吳見雪忽憶車駕南巡

往歲南中不見雪今年吳地雪偏濃繁華轉逐冰心冷瑞色還疑瑣甲同湖海看來元復旦江山戰後漸成翁穆王此際猶巡狩黃竹歌詞搃漫工

除夕

八載他鄉蜡鼓催鄉心撩亂鼓聲哀無情天地猶撥甲有

八載他鄉。蠟鼓催鄉心。撥亂鼓聲。底無惜天地。猶擬甲首。
意山川。獨畫。灰兒女。藏鉤離別。後君臣。撥壁猶遠。未。年華如許。人將老。辜
負春風。又幾回。

八月辭故里擬絕命詞

義職縱橫三十年。豈知位於闕。桐江空繫。最光鈞。震澤難回。范蠡比。嗚
毛。猶身國。灰。留碧血。欲支天。忠貞自足。孤臣事。敢望千秋信傳。

國亡家破欲何之。西子湖頭有我師。日月夢懸干代墓。乾坤半壁岳家祠。懸橋素
手分三席。猶為丹心借一枝。他日素軍東浙路。怒濤豈必屬鱸夷。

宿官亭

漫道詩書債未償。滿身枷鎖夢魂香。可憐清冷夜官亭。月無教清光委路旁。

憶西湖

夢裡相逢西子湖。誰知夢裡却模糊。高墳武穆連忠肅。添得新墳一座無。

九月獄中感懷

口碑載道是還非。誰識蹉跎心事違。既熱熊罴寧復待。從生馬角竟安歸。淪中原
膏蘊。椰節。葛帳依然。晉衣。得與墨胎相把臂。九原應恨不知希。

羈縻半室尚何為。慷慨從容我亦疑。豈是殷頑能革面。縱然漢瓦豈依肩。鞞鷹
躑躅誰堪語。鐵馬踟躕自不疑。莫道古人多玉碎。蓋棺論定未嫌遲。
棘林婉轉盡鐵種。便擬寒灰主易然。空有沈湘魂怨。幸無入洛影。馬
刀欲下何須挽。雁帛當頭不用傳。惆悵寸陰真是歲。小樓爭繫坐三年。

任烏江

楚歌聲裏霸圖空。匹馬歸來勢自雄。四百餘年尖火斷。誰和隆準一重瞳。
旌旗咳下亦堪翻。戰士其如憶故園。從向江東收燼去。應無子弟到中原。

泉穴魚

南有鮒魚實生泉。穴臣于菴君警行。仰沫水族失歡暴。曠弗活豈其櫻鱗。
貪弭故絕

任烏江

楚歌聲裡霸圖空。匹馬歸來勢自雄。四百餘年尖火斷。誰和隆準一重瞳。

絕命詞

我年四十五。後逢九月八。大厦已不支。成仁萬事畢。

送含山還長亭山房

投老猶垂橐忘歸未拂衣江山雙淚迸家國寸心違作客
悲王粲為郎憶紫薇入林還悵望吾道已全非

含山舊任
中書舍人

卜居

山中小築突焚餘結構新茆再卜居性癖故貪鷗露侶地
偏猶逼虎狼居寒蘆瑟瑟秋張藥宿火焚夜讀書正憶
普天方左帶此身那得渾樵漁

昆居八首

天地勞何在空山足息機元黃悲鳥涕蒼莽看帆飛誤世
芙蓉劍捲人薜荔衣迷途知未遠還復臥昆磯
息事幾滄桑何勞更辨亡人能扶日斲我且挾雲囊傲骨
甘鷗鷺雄心怯虎狼誅苑還闢土海外有封疆

古賢多大隱。豈必畫板龍所。惜辜三輔。其如礙兩雄。計疎
憑鑄錯道。廢漫書空。仰止羊裘客。千秋一冥鴻。

山中仍逐鹿。却喜少雄雌。蟄戶供新錯。蜃樓獻秘嬉。鑿坏

聊偃蹇。拜石故支離。試問門前雀。何如翟尉時。

仙

閭闔不可極。投荒小有天。行藏疑橘叟。變化悔梅先。野火

漁灯外。樵風雁字前。到來生百感。太息理詩篇。

浮槎非我好。戀、為衣冠。豫讓橋應近。田橫島正寬。蘆中

長磬折。圯上獨盤桓。雖未成嘉遯。人呼管幼安。

十洲曾卜築。師過幾為薪。荆棘任公宅。蓬蒿夸父津。老麋

避客去。奮犬逐人親。不忍乖初服。茆簷又日新。

鳩工嚴部勒。治屋亦招兵。據水軒轅法。依山壁壘橫。短垣

繚却月中雷。賈長庚只此扶桑國。居然細柳營。

賦得相逢俱是歲寒人

賦得相逢俱是歲寒人

相逢俱是歲寒人。遲暮偏驚搖落辰。鴻雁接天關塞影。漁
樵滿地雪霜新。論交四海慚兄弟。抗節千秋泣鬼神。此日
炎趨應不少。道旁裘馬正紛綸。

己亥除夕

湖海椒鵬十五星。故園咫尺却揚舲。流年與日相歸去。歸
夢兼愁總未醒。蜡鼓何如鼙鼓急。閩船猶並越船停。
春來消息茫無據。起抱菱花仔細聽。

庚子元旦 駐師林門

中華正朔古相傳。永歷于今十四年。玉几南荒新日月

聞乘

輿 緬甸

遷金戈北道。舊山川春來水逐桃花。長老去人憎栢

葉先猶幸。此身仍健在。擬隨斗柄獨回天。

贈張書紳還錢塘

歸棹蕭然入武林論兵十載悵知音千金散盡仍彈鋏四
海交空且碎琴戶牖陰謀天地忌夷門奇計古今深風塵
何處躬耕好垂老還為梁父吟

愁泊

蕭然風苦雨逐潮來慘淡危舟倍足哀身比偃倭長以曲
心疑混沌不知開海翁蜃蛤還相餉山鬼揶揄且莫猜往
事分明堪擊筑浮生那得數啣杯

重過桃渚

在台州臨海縣

一棹天台依舊迷重來秋爽足攀躋苔衣慘々鬢偏美石
磴鱗々齒未齊夢到赤城霞氣近感深蒼海水聲低臨流
空作桃花想愧殺仙源是武溪

漁樵多厚道不將白眼看途窮

寄宿呂塘菴與居人道西定侯往事

漢。臆。誰。由。十。五。年。琴。亡。昆。嶼。尚。蒼。然。野。人。偏。愛。甘。棠。樹。義。士。猶。吟。華。屋。篇。海。有。浮。鷗。苗。後。死。村。無。眠。犢。憶。前。賢。請。看。緱。嶺。今。宵。月。可。得。將。軍。勒。馬。還。

得姚興公書以紡音集見寄

何處纖鱗至瓊雲落滿函虎溪聞卓錫鷺島憶歸帆詩律隨人老禪鋒已不凡慚予塵夢在兀兀赴征衫
捩。世。嗟。無。具。為。僧。亦。自。嘉。只。愁。新。鷺。雨。總。作。暮。朝。霞。楓。落。江。烟。淡。梅。橫。漢。月。釵。何。時。雙。鳥。下。相。對。飯。胡。麻。

庖焚

已自傷餘燼何堪厨傳災早應防厝火空復冀燃灰鼎俎

渾輕擲盤盂且盡墮明朝添菜色那得爨烟開

贈陳侍御文生返命閩嶠二首

蓋部今何似孤懸一使星滿思匡漢室虛擬泣秦庭
竄立逋臣淚龍潛奮主靈倡予還和汝天夢倘然醒
恨別還如昔憂危較獨多孤槎偏局脊故節已蹉跎
羽翼猶吾否須眉奈尔何南陽雄雉在努力向滹沱

僕還

僕貞良不易旅瑣更為難已任辟羈去還同恋棧看敝帷
原有待墮履未應拚自是無銀鹿猶勝形影單

浮踪同卹舍三感賦

蕭瑟干戈事浮踪已似萍半床曲破席一室欠疎檣
霜月窺人白漁燈入夜青天涯知己在猶是嘆零丁

窺人白漁燈入夜青天涯知己在猶是嘆零丁

復屯林門

十年兵甲滿滄洲。此日迴戈又上游。人去鹿場仍舊蹟。秋高蟹浦足晨羞。空山臥犬聲如豹。先路窮黎狀似鳩。自突經營何太拙。誤將島嶼作并州。

得朱子成書

書來惜分手。正憶皖城秋。入海仍精衛。還山尚蒯緱。參差非恨事。倉卒少良謀。異日傳心史。孤忠冀見收。

長鯨行

南海長鯨何橫絕。吞波濤。吞日月。鼓鬣織成赤羽旗。批鱗却變黃金穴。初依海市現樓臺。旗上天閔守宮闕。天狼忽從西北來。旌為虫尤鞭。為字長鯨。稽首於波臣。玉皇香案皆羶羯。希恩豈意鳳皇池。論功敢乞蛟螭客。那識狼心最

不仁組繫長鯨離溟渤跳梁寧復昔睚眦涸轍應冷奮餐
餐長鯨有子類龍種起代靈鼉振列缺銀河朝犯織女機
珠浦夜泣鮫人血天狼跋躑還叱咤僉謂鯨鮪本遺孽疏
屬山頭貳負屍鍾離村內專車骨殘魂幾處散蒲牢遺醢
何年化彭越嗟、長鯨尔何愚如彼異類空屈節神龍不
臣、貪狼抉目屠腸坐自滅昨夜星纏歌天明却喜椽
槍影欲沒天狼天狼莫漫驕海宇會有真龍出

秋夜舟中聽雨

不盡蕭、意還從入夜生草枯沙磧氣木落洞庭聲欹枕
聞疎密敲蓬辨濁清渾疑北斗靜鐵騎暗縱橫

中秋有懷

去年拾桂英山裡今夕浮槎漲海中閑塞每冷鴻雁影江

去年拾桂英山裡，今夕浮桂漲海中。閑塞每冷鴻雁影，江河應悵鯉魚風。金甌玉露原無異，躍馬乘舟已不同。明月當前人在側，持螯把盞莫辭從。

步韻和曹雲霖 息秋懷

荒烟殘燒越王臺，憶昔雄圖今倍哀。丹葉三秋何事老，翠華六詔幾時迴。緣從鷺島懷人遠，忽得魚書對客開。詩律迤來知漸細，高吟低唱且徘徊。

天長地濶總傷秋，閭嶠寒雲路更悠。戴漢節旄空自脫，吳薪膽向誰謀。百年形勝由天壘，一望烽烟達帝溝。堪笑魚龍還寂、祇餘陡樹鎖江流。

新河口雨泊

一水真衣帶，今行報幾籤。迴颺何震盪，飛沫更簾纖。噬岸潮聲壯，膠舟風勢嚴。叢祠堪蔽雨，分旅向山尖。

四時冬不用况乃問舟程自與泗人伍還令颺母輕枯槎
粘水骨虛枕挂魚睛珍重陽侯意毋勞費送迎

聞監國魯王以盜警奔金門頭

揮淚東南信初聞群盜在扁舟哀望帝匹馬類康王流羸
終何恨依野倘不妨只今謀稅駕大地已滄桑

歲暮得蔣敬鴻信兼見其新製寄贈

澗嶠玄雲入歲除遠從苔水下雙魚少微慘淡愁無賴中
散蕭疎調有餘仙島不妨神武外法冠何似惠文初鑑湖
珠樹今安在黃雀摩天未可居

梅花一寄起相思閒向江湖學采芝吳市尚由仙尉跡青
門何限故侯悲鴻冥豈為飛揚倦駭瘦還應行步奇獨怪
槎來十二載只愁柱下五千辭

樓來十二載只愁柱下五千辭

崑上祀島社

絕。皇。寒。宵。亦。荐。陰。聊。從。越。俗。祀。非。淫。魯。聞。五。帝。尊。盆。盞。却。
憶。西。歸。聽。釜。鬻。老。婦。倘。能。留。絳。節。少。翁。空。說。致。黃。金。空。愁。
漢。臆。無。多。地。栢。葉。桃。花。自。古。今。

辛丑元旦

春。回。崑。嶼。澗。天。波。紫。閨。其。如。赤。伏。何。晉。室。新。書。題。甲。子。周。
家。舊。歷。紀。共。和。金。沙。日。暖。朝。回。輦。玉。壘。雲。開。夜。止。戈。
滇克聞說今年奔臆盡椒花頌裡雜鏡歌
師出

送黎大行南訪行在

誰。登。仙。嶠。問。皇。輿。十。載。驚。傳。典。象。胥。英。蕩。難。歸。萬。里。節。韜。
軒。徒。積。百。疊。書。越。人。翡。翠。應。無。恙。漢。使。葡。萄。搃。不。如。惆。悵。
五。雲。橫。夔。道。看。君。却。上。指。南。車。

見友人咏懷詩有感

梨花春雨半含秋。太息當年桑下謀。事幾番真似奕人。
情到處盡如鈞。金雞雲樹空瞻闕。石風馬榛自滿邱。未必
策勛先上賞。綿山一過汗應流。

漫從季野定陽秋。霸略誰堪孫仲謀。末路行藏閱漢陽。中
朝興廢仗吳鈞。杜鵑影重迷荒徑。謝豹聲多恨故邱。此日
山河猶破碎。敢言江左有名流。

春暈霧雨次壁間舊韻

輕寒二月恰春陰。蒼霧晴嵐若滯淫。客至梅花初滿甕。官
貧栢子尚充簫。櫻紅桃暈枝、玉楊柳黃疎樹、金突語
東風何惡薄。獨遲芳信到于今。

雨中寒甚再疊前韻

浮雲何意結層陰。海氣朝來越浸淫。誰解催花能節鼓。豈

浮雲何意結層陰。海氣朝來越浸淫。誰解催花能節鼓。豈
逢寒食欲懸鬻。春衣襤褸還如鐵。鳥樹槎枒轉似金。可是
大荒猶殺運。難將變理佐當今。

黎大行瀕行以途窮為恨賦詩見示仍用前韵報之

柳色河橋弄晚陰。臨歧攀折思偏深。乍來紫氣元干斗。此
去皇華為漑鬻。殿上未歸和氏璧。橐中誰賜陸生金。飄零
莫漫愁書劍。大傳平駟正在今。

維揚姜張二友浮海來晤賦贈

廣陵春擁雪。濤來萬里江。聲亦壯哉。忽訝龍文臨越嶠。何
須駁駕起燕臺。陰符欲捲滄溟濶。借箸能令瘴癘開。帝室
只今還北獵。飛熊好待復東回。

頻年

頻年長狄掃黃圖。此日狼星歛角無。石矢未曾賓肅慎。金人猶是祭休屠。雖然下殿應天象。可復穹廬滿帝都。獨笑中原皆婦孺。幾回膜拜捧 雖

三月十九日有感

燕山春老泣啼鵑。屈指號弓十四年。闕里麟遊書莫載。橋陵龍逝鼎仍遷。玉衣晨舉黃塵染。銅狄秋眠碧血捐。欲賦黍離何限恨。依稀風雨故宮前。

當年群盜滿長安。倉卒官車棄百官。旗散黃龍爭解甲。桁虛朱雀罷鳴笳。板髯猶惜須眉少。壓紐空悲羽翼單。獨使至尊狗社稷。千秋青史未曾寬。

漢家仙仗簇仙班。一擲金椎不復還。苜蓿祗肥秦塞外。櫻桃誰荐晉陵間。魂招蜀望花同碧。染泪姚華竹盡斑。何處

旌旗皆縞素。好傳露布到陰山。

得徐閣公書為之悵然

長看北極望南陽。傾日依風捲渺茫。愁過魏牟還戀闕。病
同莊舄肯投荒。應。冷。牛。酒。遲。江。左。莫。道。魚。籃。擅。海。王。倘。去
三山。須問訊。君家大藥在何方。

愁心

一片秋明遶萬山。愁心似水轉相閑。虬髯定擬浮家去。雁
足虛傳屬國還。聲入鼓。輦龍自闕。夢回砧杵。宦難攀平原。
一旅真孤掌。可有天戈靈武間。

莫指

莫指招搖望。階小戎同澤已難諧。三山波浪盧敖跡。半
壁風烟祖逖懷。紕事可能無鐵匣。班師豈復有金牌。皇天

倘識匡扶義萬古臣靡獨我儕

南國

雲肥大澤正高秋南國征麾何處留良會偶逢偏易失好音頻至恐終浮海中似有金銀闕城外曾無麟鳳洲祇惜漢家懸異數每將白馬誓王侯

寄張書紳時聞在越

雁到寒沙一片洲秋聞君猶作下邳遊江山雄視渾綿葛湖海輕裘只剩緹醉後諫書多逐客愁中詩史盡離憂赤城霞起今依舊何必衣冠禹穴求

感事

箕子明夷後還從徼外居端然殊宋恪終莫挽殷墟青海浮天潤黃山裂地虛豈應千載下摹擬到扶餘

浮天濶黃山裂地虛堂應千載下摹擬到扶餘

聞說扶桑國依稀弱水東人皆傳燕語地亦闢蚕叢筭路
曾無異桃源恐不同鯨波萬里外倘是大王風

田橫嘗避漢徐福亦逃秦試問三千女何如五百人槎婦

應有恨劍在豈無嗔慚愧荆蛮長空文采藥身

古魯稱白狄今乃紀紅夷蛮觸誰相闞雌雄未可知鳩居

初得計蠶市轉生疑獨惜炎州路春來斷子規

送吳佩遠職方南訪行在兼會師鄖陽

何處申胥哭星槎滄漢回依墻悲雀立恋闕夢奎迴黑纓

黃圖闢烏壘紫氣來孤臣芒屨好敢望画雲臺

哀牢原有國聞自夜即移輦路應千折旌臺亦九疑駿歸

何日事翟捧幾人知君去排闥闔將毋恨繫維

鄖江稱斗絕咫尺向夔門雲棧凌霄起霓旌挿壁屯金貂

皆上將鉄馬足中原一見隨何櫟還應報國恩
尚有臣靡在其如天步何涼州方倚柱盟府孰揮戈刁斗
孤軍細香盆夾道多憑君馳蠟表蚤晚聽鐃歌

三過沙関

五載真如夢秦川恨舊遊地分山闔越天濶水沉浮鴻鵠
難羈繼蛟龍空負舟包胥洵國士復郢復辭侯

沙関感懷

飄泊曾何濟蕭然一撫襟呼童削白髮結客煉黃金擊水
垂天翼依風縮地心得聞聊把卷非敢學書淫

送羅子木往臺灣

中原方卜鹿何暇問如梁欲攬南溟勝聊隨北雁翔魚帆
天外落蝦島水中央應突清河客輸君是望洋

羽書經歲杳猶說衮衣東此莫非王士研為用遠效園師

天外落蝦島水中。中央應突清。河容輸君是望洋。
羽書經歲杳。猶說袞衣東。此莫非王土。胡為用遠攻。圍師
原得略。墨守亦夷風。別有芻蕘見。迴戈定犬戎。

秋日傳蜀郡克復瓊泮反正喜而有賦

商聲八月愁。萬木正凋秋。空谷音初到。同袍賦足酬。珠崖
仍復漢。玉壘亦宗周。從此投天際。群雄好兆謀。

輓董孝廉天鑑

三策天人罷董生。誰怜日馭已西傾。遊從麋鹿身將隱。讖
應龍蛇意不平。晉代猶留靖節謚。漢家原重孝廉名。即看
墓石題封處。尚有賢書是大明。

入洛衣冠江左餘。逋臣肯復侍公車。風雲早冷三鱸兆。日
月長懸五馬居。結客黃金良不易。修文白玉竟何如。茂陵
今日皆禾黍。遺草空函表餌書。

辛丑長至舟次祝聖

朔氣行將盡。今來復一陽。書雲存珥筆。挽日仗冠裳。社稷千帆影。乾坤一劍芒。微臣無限恨。稽首仰儀天。王歲華方剝極。何意奉重來。國脉真如線。天心未似灰。山呼慙節禿。海晏待槎回。賴有黃鐘動。梅花雪自開。

除夕行營沙閣

十年三度到閩閩。風急星迴客未還。腰膺摠來殊越俗。屠蕪那得破愁顏。春符競貼黃金榜。新歷虛啣丹鳳頰。悵望故山雲物改。歸心不斷為時閒。

壬寅元旦軍次仍行祝聖禮

蒼輅青旂不可望。海隅猶得奉冠裳。吹塵夢逐條風遠。思漢情隨旭日長。萬里越人迷貢逆。朔時真黯隔百年真主闕。

漢情隨旭日長萬里越人迷真逆時真照隔百年真主闕
當陽也知報國心無補願續春王正月章

元夕金獅道中

海若波俱惡春陰氣倍寒征帆渾出沒窺鏡儘闌珊燈糕
憑誰賭棋聲讓客彈芳生兼浪跡節物肯為歡
最是蹉跎恨都從此夕來幾年春爛熳共日影徘徊每擬
銀鈎滿當看玉燭開逢時常寂辜負夜光杯

得故人書至自臺灣

炎洲東望伏波船海燕啣來五色箋聞有象耘芝朮地愁
無雁度荻蘆天息機可是通臣意棄杖誰應夸父憐只恐
幼安肥遁老蓊床皂帽亦徒然

杞憂天墜屬誰支九鼎如何繫一絲蒼柱斷來新氣象蜃
樓面得漢威儀故人當感塞裳夢老我難忘伏櫪詩寄語

避秦島上客衣冠黃綺總堪疑

驚聞行在之變正值北庭逮予親屬痛念家國何能已

已

自分孤臣九死應國仇家難轉相仍埋名恨不同梅尉楚

旅知非擬駱丞芳草玉孫歸莫望蒼梧帝子去無憑枕戈

此日將何待仰視浮雲一拊膺

悲懷二首

越裳行闕復為降痛哭裏天左袒空結約更無燕太子匡

扶那得實周公祚移雲夢誰收熾勢在微廬亦仗戎豈是

十旬還帝醉故將三日借神叢

漢家磐石重天宗奕葉金枝並剪相八塞烏孫驕射日開

基赤帝冷歌風虛傳馬渡江旱外尚憶龍潛海嶠中却望

絲衣愁不見春陵夜、氣成虹

絳衣愁不見春陵夜氣成虹

辛丑北人遷閩浙沿海居民壬寅春余檣棹海濱春燕

來巢于舟有感而作

去年春燕至新巢在大厦今年舊燕來舊壘多敗瓦燕語問

主人呢喃淚盈把画梁不可望画艦聊相傍肅羽根双栖

啣泥嘆飄颻自言昨辞秋社歸比來春社添惡况一片蘼

蕪兵燹紅朱門那得還無恙最怜尋常百姓家荒烟捲似

烏衣巷君不見晉室中葉乱五胡烟火蕭條千里孤春燕

巢林木空山啼鷓鴣只今胡馬仍南牧江村古木窳鼯鼯

萬戶千門徒四壁燕來亦隨檣上鳥海翁頷燕且太息風

簾雨慘胡為乎

春心

滄江歲月深老去惜春心花到辛夷後人歸杜宇音聞眠
避獨醒繁恨寄孤吟天骨原蕭散能消許事侵

北回示將吏

利鈍寧能料孤軍又北回同仇計左矣遺老思深哉破釜
丞徒義持籌參佐才古來忠孝事天地每相哀

傳聞閩島近事

南荒仙嶂百蠻天別有山川紀漢年仗越每勞紆鎖鑰降
幡何事閃樓船似聞徐偃軍皆散宣意田橫客未捐四海
搃憑孤劍在紫霓應傍斗牛纏

感懷悼延平王

擬將威斗却居延捧罷珠盤事渺然龍閣幾人開貝闕霍
歸何處問芝田引弓侯月爭相賀挂劍寒雲祇自憐想到

歸何處問芝田引弓侯月爭相賀挂劍寒雲祗自憐想到
赤符重耀日九原還起聽鈞天

此迂以余倡義既久屢復名城遂逮及族屬且開告宓
之門波累親朋高隱學傳荐可榜掠備至聞之泣然
家國既飄搖家門遂顛覆感此多難心欲泣不成哭我生
實數竒乾坤方百六揆猶滿中赤靈社已屋逋臣骨可
糜豈敢惜孳戮所悲諸父行斑白嬰三木女兄與所天株
連遭拳梏幸或作流人否恐登鬼錄稚子竟何辜十載尚
淹獄此倚有寡妻墨幪兼緇幘國亡家亦亡我固甘湛族
迹開告宓風奮遊復被錄白虹慘欲垂黃金貧莫贖天地
豈不寬誰念忠之屬惟應千載名芬芳追玉燭破涕謝親
朋安知此非福

顯甥奔至

柳堂曰顯甥即
傅蓉鏡小字

初聞購孺子何幸脫蘆中執手哀吾姊囊頭並若翁死生
盡一別忠孝已双窮淒絕青山外啼鵲血倍紅

聞家難有慟

仇國言終驗哀門祚亦危痛深惟骨肉耄及受參夷白首
青楓暗黃腸廣柳遲百端交集處能不碎心脾

家破原因我何堪玉並焚亢宗空有子函夏已無君左袵
興亡决南冠生死分拊棺猶未得揮淚結玄雲

孤竹行吟後家無四壁存更聞宗欲墜不但族先燔蹭躑
孤臣節踉蹌老子魂願為双白雀飛去叩天閭

淫威何太甚原外鵲鳴空擬班昭甘成聶政名肝埋
有處士腸斷是零丁遥識胥江路霜飛獨滿城

甌行志慨

甌水秋堪掬頻年五兩興豈知魏勝壘欲化李陵城苦口

甌水秋堪掬。頻年五兩輕。豈知魏勝壘。欲化李陵城。苦口
吾同澤。甘心彼喪名。張陳千載恨。誰更負今盟。

不信英靈斷。還由七尺身。吹笳悲自壯。擊筑和難親。故主
呼迎。莒遺民泣。避秦所愁。惟甲脆。徒倚倍沾巾。

行莫河梁別。翻為遠隴西。天應誤雁漢。地孰亡羝冰雪。
危孤膽。風雲怯。病蹄玉闕。雖咫尺。敢復望芝泥。

野人餉菊有感

戰馬罷秋風。突物華野人偏。自獻黃花已。看鐵骨經霜老。
莫遣金心帶雨斜。

柴桑杯酒寄東籬。種菊書成在義熙。今日風光如昨否。殷
勤且自把花枝。

常言愛菊耐霜威。晚節都甘與世違。只恐秋來容髮改。幾

人插得滿頭歸

天寒萬木盡悲秋。誰殿群芳闕未休。寄語黃花應努力。願
努力知。採落有黃州。

讀史二首

秦鹿橫飛六國殘。孤鳴篝火亦登壇。侯若也歸張楚更
有何人解報韓。

清秋蕭瑟井梧寒。在莒齊襄淚未乾。七十二城猶在望。却
無舉火是田單。

澣月

澣橋看明月。蒼茫練影多。不知卿國夜。皓魄復如何。

夜泛

秋雲何澹、影入夜波清。倒作銀河看。依然星斗橫。

秋雲何濤、影入夜波清倒作銀河看依然星斗橫

北郭八子詩

陳隱君映

字木石又字碧園舉人起龍孫曾內或後不應試已而以其難嘗出稱諸生然旋棄之未嘗預科舉也全謝山或記先生不得渡為遺氏子曰元氏中州集南冠一卷她孝錫亦嘗任金道山原其心而進之是則其例可援也

北宮秋怨七首

舞袖歌衫樣及時金釵長脚兩肩垂
若王昨夜新傳勅蘆管秋聲
欵此吹

何須鬢髻復簪花
向辨雲鬟笑眼遮
馬上琵琶
鞍上舞荷
時高

樣委泥沙

曾入先朝宮禁長
滿前心事付誰商
金籠非是無鸚鵡
不敢高聲
說上呈

盤頭何處着珠鉤
弓樣金蓮亦在愁
素手輕衣
渾別製汗衫猶
聖節中平

志莫瑤階隱鷓鴣
深沈花院翠蜂游
病來彈罷三弦子
過午秋
酸別樣愁

長信秋風響碧環。鏡臺深恨鎖眉灣。夜中空夢前朝事，動有梧
桐落葉間。

明月猶飛入紫闥。那堪夜半煤山。初鵬枝上忽流螢。鳴鳩聲中
秋淚潛。

南宮秋怨五首

敗馬長城未閉關。江南歌舞盡彫殘。祇今惟有長流水，猶憶當年
舊奈燈。

西風獨向秣陵東。月出乾亭舊禁中。無數狐狸半夜靜，幾人前
殿听梧桐。

環城宮殿竟如仙。撲地蘆花築已殘。日暮牛羊歸舊隄，月明樵子
唱吳歌。

采石江頭漲似山。朝三暮二向神寰。送將歌舞出燕去，載得離愁
萬斛還。

糟邱自倒不須推。琥珀琉璃滿散花。夜去帝子醉解何處是，昔年酒語已成灰。

除夕立春時在象山

除夕立春時在象山

窮律今將換芳時此漸臨
睽違遊子淚遲暮美人心
不忍窺青鏡能無撫素琴
坐聽丹井漏愁入海天深

秋岸

有客清癯骨行吟秋岸邊
將心對流水以語問蒼天水
是狂瀾日天當冥晦年孤懷
今自憶世事豈其然

思宗皇帝挽詞二首

玉殿無人謁御顏小臣有淚望煤山
雲中鳳輦何由返天外龍髯不可扳
萬古奇愁生帝闕千軍正氣繞神寰
羣工未識蒼穹意罷市蕭條哭淚潛

海內羣知隕日星紫薇天座正飄零
關山一劍俱分裂宮殿千官盡晦冥
華表歸來愁艸木鼎湖飛去震雷霆
祇今

易水悲無限，煤嶺蕭蕭松栢青。

感亂五首

二十辭家上馬鞍，祇今頭秃戰痕癢。紅顏已化身猶健，白髮相催事日難。山海羽書連夜至，京城露布永年看。何當奮擊疆陲外，為國丹心數點寒。

相聞烽火達甘泉，百戰蘆溝竟枉然。壯士忘身空觸地，忠臣有淚總呼天。風吹艸木無非恨，月照關山盡可憐。此日金甌愁裏缺，淒涼漢苑落霞邊。

殺氣橫空接紫宸，九門敗績入黃巾。關中徒有三千甲，海上曾無五百人。野鶴栖殘荒壘月，杜鵑愁絕故宮春。可憐玉葉埋塵土，夜半長虹貫碧旻。

鳳城鐘鼓正黃昏，鯨甲爭傳失至尊。滿地碧凝中散血，

天青繞大夫魂。狐狸畫卧乾清殿，豺虎春休平子門。無處

鳳城鐘鼓正黃昏。鯨甲爭傳失至尊。滿地碧巖中散血，
天青繞大夫魂。狐狸畫卧乾清殿，豺虎春休平子門。無處
請纓羈闕下，自憐悃款向誰論。

萬里關山動鼓聲，將軍不防再防氏。轅門日夕悲蕭瑟，
角深秋聽慘淒。六鷗江中隨浪轉，五花樞下望雲嘶。由來
敗績姜戎後，周轍何年復向西。

觀兵

鼓角悲鳴海上洲，戰艦千里繫殷憂。將軍漫說能平寇，
卒緣知不共讐。浙水焰殘邊月地，錢塘冷度塞門秋。于今
戈戟愁中望，雲布何年入越州。

贈雪宮

世眼昏。白者多。誰憐天末一頭陀。陶潛任放由君耳，李
布雖覺奈我何。兩度興亡憑海浪，十年寥落入山阿。此來

南去須相認。幾許英雄帶笠簑。

沙。波。鄭。元。圃。聽。舊。事。感。贈。

指揮直已渺。乾坤往事淒涼不可言。客是元宗舊相識。我
為蜀道老啼猿。何須歌動霖鈴曲。却欲悲殘易水魂。若問
長安教。年業漢宮秋色正黃昏。

秋日旅中

悠興廢。六。莫。論。往。事。依。稀。不。可。捫。滄。海。六。龍。猶。駐。輦。燕
山。二。帝。正。銷。魂。旌。旗。渺。漠。關。河。暗。戈。戟。蒙。茸。風。雨。昏。父。老
未。知。天。地。意。至。今。遠。望。舊。蛟。門。

過施將軍宅

松楸十載半凋殘。華屋惟存舊石欄。元馬堂中嘶夜靜。白
鵝苑內舞秋寒。月明新鬼吞聲哭。風動離人拭淚看。多少

鵬苑內舞秋寒月明新鬼衣聲哭風動離人拭泪看多少
英雄歸地下却留歌管樂呼韓

秋日西陵感舊四首

鼓角愁中憶京帝戰殘白骨起秋聲萬松月黑嘶征馬千
尺濤寒落故城歌舞至今朝露盡繁華自昔曉雲輕共知
興廢空相吊前代冬青尚未更

諸將相傳下鳥門昔年爭戰欲消魂羽書未奏秦川捷軍
纛空教滄海奔細柳功名徒有泪咸陽王氣已無存離人
過此重回首浙水悠悠日漸昏

望京西望艸霏江鳥猶然泊釣磯小墳邊明月落越
王臺上子規啼露零遙野愁黃葉風動空山憶翠微逐客
僂聞羌笛奏夜深高臥掩柴扉

大將臺傾夜雨空六龍今駐水晶宮山陰劍佩成荒壑江

左風流。逐轉蓬。金輦影迷寥海外。玉簫聲斷暮雲中。年
過此西陵地。細草寒蒲恨不窮。

王秋日桂軒禱咏

海澤逃身入翠微。就荒三迳艸霏霏。霜催故國禾苗秀。雨
入新秋菰米肥。退隱極知今日是。干名深媿昔人非。洛陽
榮貴空相慕。老盡東臯舊蕨薇。

病葉經秋不可支。碧階飄箨下差參。孤雲滄海看無定。野
鶴深山放未知。晝覺短時憂歲促。夜愁長處厭更遲。閉門
寒月如霜白。客思蕭條聽子規。

東禪和上

聞說西來只一心。九年壁上不應尋。雖然佛法無高下。到
底禪機有淺深。笑我但愁生老病。知君已悟去來今。何時

回首多羅樹重對廬山面目吟

燕京懷古

槐槍迅速祀京陞痛惜煤山殞日時二祖涕洟方哭廟百
官踴躍已迎師。燕南氣象天方改。遼在功名人未知。多少
孤忠懷進取。秋風不植萬年枝。
黃金臺上夕陽斜。故國懷思落暮鴉。千載閨河成轉舍。百
年功業寄空華。太行西峙冰燕衆。滄海東環失漢家。漫古
興亡渾是夢。何須憑吊動咨嗟。

獨夜

方床時獨臥對影而蕭然有淚寒宵夢無情秋雨天

勞

勞 漸江曲一歲幾行遊雲尚歸山倦君何不自休

越王祠

荒迳蕭條鎖落苔，東風空入越中來。
最憐寒殿無燈火，夜月迷離戶半開。

宋玉墓

才子文心葬碧邱，只今幽艸為誰幽。
汨羅江上招魂泪，別作荒郊一點愁。

淮上

極目淮流水勢高，當年梁武事徒勞。
捨身并把蒼生捨，百萬相將入怒濤。

虞美人艸

海不生塵石不移，墓前舞艸自離離。
漫道美人能悞國，楚臣若箇似虞姬。

東臯五子之一

色隱君

字惕三一字夕喬諸生丙戌後棄之少工詩兼善琴散度曲嘗賦明月詩為時所賞因以色明月呼之

胡麻亭曰夕喬胸中磊塊不可消滅徒遊歸

堵蕭然而歌聲出金石活落如故也全謝山先生曰自夕喬晚將京兆黃眉部又堂座客里中少年意其為咸淳以後人物余特引而進之使

列於國初諸公之前因嘆是時如无界荔堂隱學諸先生相戒不與時賢時貴遷往者良為高節然而布衣報國必欲杜其門却軌以餓及于窮谷亦何容易正朱

野泊

連日風蕪而蕭。晚未晴。孤舟何處泊。野地不知名。暗草江縣色。荒林岸。有聲。和歸來。渴倍切。遠未情。

晚過樟樹嶺

春風添多少。長天一望寬。被橋依岸沒。茅屋大江殘。燕羽村烟重。雞聲夜雨寒。野花開自落。不忍放舟看。

初霽季向岩見過

連朝雨氣壓簷低。誰免帶晴光。過杖藜。鳥為問年春。手半也。还不肯盡情啼。

江行

海潮歸不待。我亦愛江行。鴉過秋陽影。鷓鴣落葉聲。荒村閑笑語。野老解
逢迎。為指雲深處。留人有化城。

綺閣

綺閣秋將半。白閣曉色寒。月沉花睡日。秋甚愁寬。捲幔嗔蚊。能翻書
惜蠟。乾滿天霜未落。楓葉幾時丹。

送王西樵進士歸新城

不識杜陵去。河橋幾時處。橋通秋水白。寒孝夕陽江。舊壘空巢燕。新城
別塞鴻。長安知送客。愁絕是西風。

渡漳河

三年客燕晉。出門鞭五手。策馬邯鄲來。買舟漳河口。慷慨眼中流。魏分
左。石空尋劍石。其黃雲遮岫。柳

伍公廟

古。屋。陳。江。毅。高。梁。走。山。鼠。遙。三。望。觀。色。肅。拜。階。宇。故。云。江。上。潮。怒。氣。或。時。沮。

白頭翁

白頭翁

堦前扶杖看花人
盡日行吟不厭頻
怪尔頭先如我白也
隨好鳥學尋春

無米

休說三朝寒食天
誰家爐火不烹鮮
夜來我獨愁無米不
是清明欲禁烟

于石上人伏翠山房次韵

千澗流泉響夕陽
隔開塵土軟紅香
双扉半掩空山裏一
徑斜通古寺傍
人靜不知花落久
心閒翻覺鳥啼忙
杖藜
稍待春風暖
來看溪南柳色黃

舟過姚江限腔字

一潮相送到姚江
蓬掩黃梅雨半白
新舊城分鴉噪晚東

西岸隔燕飛，雙自饒野興。詩能遣，即有閒愁酒。易降擬吊，嚴陵尋古墓。牧童吹過笛，無腔。

渡錢塘限風字

天分吳越半浮空，兩岬沙沉新漲中。

大雨新漲，直入西興道。

江流錢弩

似輸昔日湧胥濤，獨逞此時雄帆開。水面初收雨，鳥避江

心乍起風。千古行人看，正練老夫過。盡夕陽紅。

拜于忠肅公墓限虛字

蒲湖水繞墓門紆，似接江濤對子胥。黃口亦知瞻少保，白

頭那淨拜尚書。獨鏤一日恩，難假俎豆千年報。不虛坏土

即今存勝國，漫將往事問樵漁。

吳山晚眺限燠字

吳山高出女墻雲，第一峰前望不羣。樹掩樓臺千卷，城

環烟火萬家分。馬如嘶過錢鏐渡，鶴似飛來和靖墳。每向

吳山高出女牆雲第一峰前望不羣樹掩樓臺千卷城

環烟火萬家分馬如嘶過錢鏐渡鶴似飛來和靖墳每向
江湖追往事可勝惆悵立斜曛

西興夜發限歸字

河橋紅漸失斜暉兩岫陰濃綠樹圍不是經旬雨共出那
能連夜月同歸誰家黃犢依人返何處烏鴉失隊飛多少
暗中行過路遠隨渙火認依稀

沒越城至曹娥江即鄭字

不獨無心作解嘲似于詩亦懶推敲城穿十里波光合野
豁千重樹色交青遠暮烟人問渡紅收落日鳥爭巢多年
不到曹娥墓艸沒殘碑暗越郊

同舟話別限醪字

片帆風不阻江濤瞬息歸人興轉豪夜月方沉稠嶺濶

為鄆慈兩曉雲已過楮山高楮山諸公家近湖頭柳有湖
縣之界野老門臨渡口挑渡口相對話別何妨還一醉尊
汀諸此野老門臨渡口挑渡口相對話別何妨還一醉尊
家于此野老門臨渡口挑渡口相對話別何妨還一醉尊
中刺有未傾醪

送黃又堂試此雍

世間惟有老可憐可憐十步九不前有花還欲醉幾度奈
無沽酒錢十千看來自覺少顏色何怪人情多棄捐羨君
翻、正年少不逐人矜孤白鮮閉門讀書破萬卷時驚筆
下生雲烟迺來結交信知己尊前語笑皆英賢似我蕭條
何足語握手一嘆偏歡然幽齋曲徑逸花木香生一榻常
高懸明日把琴來有意淵明取聲在絃歲歎知我盜無
粟天寒知我衣無綿感恩那在日推解一念已勝膠漆堅
今日送君欲何去遠渡黃河此入燕明年此際春風暖馬

蹄催疾珊瑚鞭我乃長安舊遊客詔君東閣曾題箋却今

今日送君欲何去遠渡黃河北入燕明年此際春風暖馬

蹄催疾珊瑚鞭我乃長安舊遊客
郎君東閣曾題箋
如今尚有一二存敢說交情如昔年
借君好向故人語
柴門日暮臨江邊
數莖白髮身便老
一逢醉後語尚顛
幾欲隨人上京闕
來與司業問酒錢
與君話別重流連
鹿亭入都擬有附舟之興

江干竹枝詞

日江頭到兩潮
今年潮大上浮橋
秋來湧入城門口
咫尺行人隔路遙

家爭打出洋舡
從此閑閑好趁錢
三水黃魚無客買
滿街行販賣水鮮

布穀催耕渠有年
瓦盆盛酒醉來眠
忽思海上拿魚去
多少農夫不種田

捉魚反被海魚吞
吞多少妻兒哭倚門
望到蘭盆開勝會
候

濤山上共招魂

搥鼓鳴鑼何處舡閩人供奉水中仙向從海外酬香愿三

日高臺唱目連

漁鼓無勞唱道情琵琶琥珀配銀箏邊闋調急相思板出

海時聞出塞殺

不怕今年利息微滿舡洋貨去如飛大唐街上多春色贏

得相思載月歸

桃花渡口有青樓紅粉新來是越州厭殺開簾迎一笑却

逢太守欠風流郡公私行逐之出境

香客舡多放進闋夜來歸自落伽山可憐五聖風帆小一

去經年不見還

天妃宮裏鼓聲多時見遊人逐隊通試問黃姑和謝女春

風秋月恨如何

天妃宮裏鼓聲多時見遊人逐隊過試問黃姑和謝如春
風秋月恨如何

立夏後一日同友人醉後訪楊和收得城字

不覺行來已入城二三老友逢相迎春風冷為今年閏夏
雨初過昨夜晴隔岸誰家花未落臨橋一店酒知名醉餘
共過楊雄宅舊與侯巴獨有情

戊辰元旦次韻

老人無睡望天明留得黃雞報五更連歲雪魚除夕雨今
年春接去冬晴參差一樹梅花影遠近千家爆竹聲紅日
門開雙鵲喜東風早已到江城

春日感懷

彈指明年已七旬風光消受幾回春出門曾作淮陰客歸
老空慚胯下人聞說林鷓藪可聽漫嗔路犬吠無因獨憐

江上誰吹笛。不管梅花落水濱。

春容無改是青山。人爲吟詩髮早斑。舊刻蹉跎誰與訂。新編方便莫須刪。已聞百轉黃鸝巧。未見双飛紫燕頑。幾欲尋僧閒半日。其如僧却不曾閒。

村巷幽居歛夕霏。貧家籬落不成扉。衰年貌自同梅瘦。無病身還比鶴肥。過去且拖原憲屐。飢來仍曲少游衣。春光那得流連久。便見楊花作絮飛。

門臨碧水接東湖。印友曾聞一葉呼。飯足田家催布穀。酒香村店勸提壺。菜花漸濃飛蝴蝶。薺艸肥多下鷄鵝。最喜春來無積雨。短筇長得踏青蕪。

徒從貧賤說雞壇。富貴相逢下馬難。萬里交遊空海內。十年焚燹歸老江。干。竟無雪壓梅增白。尚有霜侵柳怕寒。添得

半間茅屋小客東莫厭腐儒餐

海外双鳧去不停忽々猶及問伶仃緣知宰相頭還黑為
憶吾儕眼尚青誤曲向曾推頌曲酒瓶今豈作花瓶天涯
留得浮名在莫嘆吾生類梗萍

二月望前大雪望後大雨次韵

雪花一夜撲面前曉起寒威入兩肩自惜衰年須向火誰
憐弱骨勸加綿臨江猶有三間屋負郭全無半畝田所喜
老還双足健晴時閒步雨時眠

江上柴門向曉開空塔一望絕纖埃東風二月多青艸夜
雪三更失綠苔厭自春分前見雨幸送鶯蟄後聞雷無端
爭逐梅花落又費天公細剪裁

年近壯歲新上貴天公

增吐更天融宿願日春各宜良雨幸出意應

此上紫閣西交開益吉一壁輪魁定凍屋二

安慶為早動新初開

勸語音情如

書或一文對

二月望前

醫科科台

謝喜

無水

半開

翰林唱和諸子之一

翰林唱和諸子之一

錢布衣豹

字文蔚一字空亭著
有空亭集行世

是山先生嘗曰文蔚不涉世味穆然靜遠性所蘊蓄蔚為教詩家枕東
錢湖上水光上下山雲互蒼老袖黃冠皆見性地渾然元氣法而弥永故

其詩有近董柳者有近常儲者有近陶者水功先生亦曰文蔚之詩
清想渺神脫周證山曰柳州詩云始至若有得稍深遂忘疲文蔚之詩也

秋齋與王水功互懷周囊雲高隱學

客况茶留月敲茶雁影過不堪思舊友黃葉下山多

秋夜

然：終宵坐前林微有痛。主。穀似多事儘夜向秋忙

別道者

山客去悠。山衣一葉秋。歸家莫漫說。白日滿滄洲。

即事

送客回中路東山月又生。徘徊不忍聽。故園杜鵑聲。

贈友

溪畔書齋。迴。恰。君。水。月。心。浩。歌。宜。舞。夜。古。調。空。秋。深。

百年

百年老桂樹。零落未誰園。各有微妙音。非斯難與言。

偶題

向花無泣梁。欲奏無言曲。不奈帝教多。風碑階前掃。

春日

忽過綠野。古道獨行遙。立雪為先見。他人山未招。

不寐

非有更深冷。春寒夜念長。山雞舞洞月。碩鼠噉衣箱。

示道者

誰是期頤者。須臾一幻身。不負所生理。何妨賤與貧。

東軒克明

古言重獨也。垂老不同春。雨後鶯啼竹。山南花嘯人。

酬王元界

鹽沫論君詩。其風自為作。深和鳴不平。葉空雲中落。

辛亥

辛亥

年來不遂意。詩思正難窮。身老孤峰外。心悲多難中。故人
閑塞月。近事楚江風。感慨憑誰語。空囊寄小桐。

寄履平法師

曾過靈臺院。宛如上底門。溪聲留白鶴。雪意欲黃昏。世亂
經年別。山深曠屐痕。應憐征戰處。多少未招魂。

寄周自一

名山秋色在。念別已多年。剡有村中月。還留江上舩。風高
鴻羽健。霜老柏心鮮。凍石香生處。遙思白雪篇。
以道誰為侶。逢之愜所媒。簡書待好客。閑戶闌濃苔。麈尾
非甘老。風塵何以來。園林疎影靜。幾日為君開。

王元界山行

雙韭山房

開門向湖水一葉聽春風曉色留青靄菰香接遠空魚飛
小瀑上僧語半山中踏過慈雲嶺禪林玉版通

遊五磊寺

雨久溪容濕晴憐野色青尋幽到海岬古寺得山情片月
疎松影千僧一磬聲老人留予住語嘿見生平

同高辰四訪二靈不值

太空涵流水遊意恰秋分十里湖光盡扁舟石磬聞焚香
惟侍者面壁兩山君溪干分僧餉安見白雲

二靈訪于石

喜得小航便叩頭我友過不衫亦不履登塔又登阿人意
同秋水山情在薜蘿茅堂侍二虎雲影自婆婆

秋夜

踏破前山月悠然象外清蘆花低以岸螢火亂新晴雁句

踏破前山月。悠然象外情。蘆花低小岸。螢火亂新晴。雁句
催人老。霜潭照我清。興濃思訪戴。安得一舟輕。

庚午

乾坤縷我老。無俟卜爰居。天上風雲幻。人間師旅餘。家寒
恒自慰。髮短不須梳。何以優游也。溪山有道書。

古憶博融和尚

弟兄滿天下。教外續單傳。別久顏何似。書多思黯然。蹉跎
花發後。蕭瑟月明前。此夕一相憶。星飛羅五絃。

贈茂峰上人

高峰人跡少。老衲道心真。眉長何耳綠。衣披幾代新。數教
啼鳥雨。一榻小梅春。細問人間事。深知非避秦。

貽李杲堂

病餘因客至九日強登山秋色和君老松聲和我閒一臺
雙樹冷小石片雲斑坐酌佳節小辭方便刪

別友

欲了誅茅志山情雨後深一雞婦小榼杯酒餞双林習靜
知君意活名非我心應須各努力烽火隔招尋

弔公唯周先生

古道誰為侶名山喜共居談心知月色種巖慰秋餘一旦
隨青鳥千秋想白藁囊雲半部藁報國欲何如

老人

老人似相識相邀過柳隄燈殘數點雨情重一莖薺動靜
知高尚山川識品題手談二三局籬下小猿啼

曹娥遇霧

越城訪故友客况寄征鞍忽覩江山改越驚跋涉難相隨

曹娥遇霧
越城訪故友客况寄征鞍忽覩江山改俄驚跋涉難相隨
迷咫尺何處報平安野店枯楊下停裝獨倚欄

同聖月兄過二靈

雲物成今古文章幾晦明小湖山總秀南艇鷺相迎秋
魚還躍寒光浪不生欲尋文介墓殘柳起悲聲

南山漫興

出門雲可友何必覓知心徑向平田盡秋歸小院深迎眸
秦樹老故國杜鵑音榮落誰能問盈虛自古今

怡雲訪席臣

萬卷松濤下山深徑亦深我來疎雨後雲在小樓陰問菊
陶家意論文工部心應須繩祖武耿々為君吟

元旦呈徐可貞

萬物盡霽、相逢胥肅雍靜。觀今日事何問古皇。風林酒
迎瑞始梅花兆歲豐。分明昨夜隔。只剩兩哀翁。

贈宗古

世路亂紛紛。老翁何所云。遇人多未識。到耳似曾聞。明月
幾回古。寒山一片雲。江梅春入早。好景任支分。

贈黎山人

小圃不題名。鄰山泉有聲。竹稠雲共卧。花落鳥催耕。窮達
惟天鑿。安危別世情。二三真道叟。憂國鬢霜生。

莘峰主人

素壁溪為帶。峰高數里田。就耕分鶴食。倩竹引山泉。北斗
大子掌。南雲列似肩。知君所性足。同世不同年。

襟詩

古今一海。翔君子自安。貪性分惟天。賦文章與日新。羅說

古今一晦朔。君子自安貧。性分惟天賦。文章與日新。罹讒
可不辨。抱獲肯求伸。海峽視榮貴。他年何處春。

登天封塔

昨日朝暉動綺欄。憑高遙望思無端。白榆淡。疑天近。赤
董離。似錦殘。鈴受好風能作語。燈懸午夜欲驅寒。兩湖
簫鼓何如昔。一鶴南來天地寬。

山家

山家閒臥碧山莊。布穀催耕動曉光。薤麥喜無寒食雨。茶
芽苦壓暮春霜。客來白下憐同志。酒貧居隣進小牆。賓主
悠然成薄醉。不知人世幾炎涼。

別友

南上江樓餞遠公。一杯好茗語澁容。世情何似蘆花淡。吾

道悠然。秋水融。郭外潮聲龍作雨。尊前雪影雁嘶。風欲知
此。後長相憶。看取檣帆。明月中。

登鎮海樓

名城深巷訪王孫。更陟高樓看海門。萬馬齊嘶原上艸。千
峰伍列水南村。聽潮風透重裘。際索句思隨過雨。痕代此
天南成底事。普陀徒後幾僧存。

同王水功周囊雲范靜菴游霞嶼

無約春風又到門。小山霞影動泉痕。一樽挂棹同知己。二
月桃花出宿根。鳥立枝頭呼我住。石留古意與人捫。午餘
倚樹看垂釣片。湖光入遠村。

送漢百

錦峰春色來如昨。送、秋聲已不堪。紙帳雲飛憐我病。竹

錦峰春色東如昨送、秋嚴已不堪紙帳雲飛憐我病竹
白夜靜引君談親復就業宜辭遠世。亂傷心務學慙歸去
故園成底事無忘此日醉烟嵐

冬夜誦邱蘊生大雅堂集

空亭頗得心無事佳什新領繹暑看剪燭夜深知露重呼
童爐冷續香殘如凭海閣三峰外勝坐松風六月寒起步
南階擬作序烏啼月影過梅端

靈隱訪具德和尚

錢塘柳色小橋槐喜邁天和曙色開曲徑分香同引入好
峰何日自飛來空王有句我能和龐老無精君莫猜石磬
一聲留信入冷泉亭上小星回

新歲

新歲新看新歷日窓開曉霽尚淒涼天荒地老誰賓主古

往。今。來。幾。否。感。意。外。榮。華。傳。白。簡。日。前。笑。語。共。黃。梁。老。夫。
別。具。磨。醞。眼。只。看。梅。花。坐。艸。堂。

宿小西天

一。自。清。風。為。伴。侶。探。幽。直。上。小。西。天。亭。高。古。樹。鶯。雙。語。山。
半。危。唯。虎。獨。眠。布。穀。歸。僧。引。皓。月。烹。葵。留。我。藹。春。烟。竹。床。
紙。帳。新。茅。枕。好。夢。相。携。入。鞦。韆。

述懷

深。慙。恩。未。報。小。榻。夢。回。寒。共。坐。如。中。酒。獨。行。傷。夜。闌。淡。然。
秋。入。想。艸。露。何。漫。遙。望。白。雲。處。松。風。淒。未。安。躊。躇。少。自。
適。孤。隱。悲。形。卓。撫。琴。將。對。月。舉。手。不。能。彈。
撫。琴。彈。不。能。無。可。着。心。想。隨。意。閱。詩。書。數。行。增。俯。仰。為。憶。
乘。槎。翁。道。遙。東。海。上。理。亂。非。所。聞。山。情。空。莽。蕩。忘。機。若。月。

上萬籟發清響一鶴常相隨白雲時見訪

送漢臣

一室與君住一席與君坐一山與君行一榻與君臥相逢
論世還未了君欲言旋指君路

訪金峩西宗不值

生公燕虎邱齋已老剡澤談元天雨危古人同法席東風
過碧溪落日催行客峰遙起亂青林靜淡秋夕扣門松有
聲問月蕉移色咲尔老頭陀何方往乞食床上網寒雲出
絲滿四壁

宿招提

月落聞烏啼聲在雙樹倒聽風聲風聲歸何處拈此
問老僧老僧無辭句須臾風復來山光侵曉開

訪友

梅花小枕夢百里訪高賢
倦馬繫湖口停裝問釣舡
東郊西澗上野店未流烟
將雨黃鸝隱臨臯白屋前
故人倚雙樹短髮不垂肩
事。等芳州悠。歸自然
笑談琪樹老坐臥竹窓元
我亦忘機者三復逍遙篇

夢周立之

故人入我夢倚杖來至止
亭下一盤棋局終輸半子
欲邀潭上酌白雲泛中起
似馬還似龍醒來月盈水

題泰山圖

泰山泰山望何極落景秋光
竒起色千峰萬峰足下隨中
有老人吹玉笛吐吞雲霧界
斗牛滄海一坏扶桑仄居今
稽古主者誰七十二家人不識

稽古主者誰七十二家人不識





蒲南和尚詩



諸尚和尚詩

不了和尚前巢令王應祀

不了和尚前巢令王應祀字剡公生明季性忠孝韜直薄遊京口己亥同里張尚書軍

至杖策從之知第縣者七日遂從出海內書灰慟哭入山為僧師事天童哲公釋名等月

字印千已而擲其衣鉢歸築粟穀獨居中奉先人旁列圖書史獨不友藏經語錄

日訪求異書纂錄無暇晷入夜一燈熒然光射水際聞彈琴弄曲笛度一曲遊嘉善諸

魏種重之遊塘栖諸卓亦極重之詩書畫皆絕士大夫兼金求之不與每為村中人取

去有所入盡洽宗人貧之忘其身之凍餒修宗譜嚴族規合葬累世旁及辟從自題曰

方渠寄梵字于苔之德清以朋友為性命始難于合三則怪身不食晚年食肉人呼

為不了和尚答亦知先生正不了了之字唐熙癸巳八月歿于天童年八十遺命葬

祖墓旁



禱詩四首

我有美人在東土欲往從之隔江浦十年不見會心苦枕
上淚痕化血盡難將此恨擢髮數夢斷孤山猶間阻美人
美人心念我相逢不復兮昔楚

我有美人在南國欲往從之瀛海隔十年不見成遠客棄
我如遺追往昔落花流水晚無力挽得六復無鮮色美人

美人心念我寒崖聳翠兮松與栢

我有美人在西山欲往從之步履難十年不見改朱顏色
哀愛絕心膽寒我寧如是辜舊歡春有杜若秋有蘭美人
美人心念我來我來兮歲月殘

我有美人在北天欲往從之足不前十年不見音信傳達
聞馬嘶摧臍肝仰瞻斗府涕不乾日月逝兮望眼穿美人

美人心似我死灰槁木同悲酸臨風嘆悼兮孤雲還

采桑婦

婦采桑河上岸之墻桑貼榦足踏杖水照面小女撐舡
接墜杖照頰脚跟珍重看今年桑葉貴未必新絲賤葉
出懷手謂郎莫看絹官吏索輸綿且願今朝飯足踏杖水
照面羞影畏人面發紅早起出來鞋未換口喃、兼笑嘆
剪盡桑枝歸拭汗

寄書客四首

信書再三至老夫再三看點、但捫鬚重讀書封面蹉跎
又一春夏雨黃鸝轉狼籍音教獨和荒庭嘆
家園莫不問鄉里別吞聲旅館值故交晤言風音情好邀
湖上樂杖頭錢貫輕主中賓熟我擬爾會西冷

湖上樂杖頭錢貫輕主中宿熟我擬爾會西冷

少年興顏敗適意是斯時錢塘風日麗客子競吟詩野芹
獻至尊香烟生馬蹄聞道桃李艷絨花紫煥枝

樂事媚賞心祇是耀宮裏窮途流落人相逐強歡喜盛時
安可逢美景更徙倚多謝諸君子方便孤懷鄙

西山遊

出自粟夥夏亦陰踏莎俛首青引鞋侵登陟西嶽黃鳥
弄音雲路遐邈時世改心一日不見如三秋予我有嘉賓
况十載兮豈厥得新必遺故予謂我云何而見疑予登陟
西嶽人羨其西黃鳥飛青州萋榮悴胸臆爾鳥知之

野田黃雀行

黃雀摩蒼穹飛遠客羅妻死夫守雖泣涕當悲歌苦難
告呼天再苦呼父母天遠父母遥救濟望星斗哀鴻順風

雙韭山房

下尺素慙多有汝是我兒女我是汝父母天且不應呼鵲
鴿非尔有白雲出幽石轉晴見蒼狗

戲呈琢享

還君褐寬博願得成古袍表裏十幅布襟裙領帶袖增袖
更增幅與共著誠叨

周秉鈞索書走筆書贈

知君心愛我懶病速來醫我懶長睡臥我懶午忘炊我懶
不掃地我懶見人稀我懶不扶屐看山懶杖藜束緊肚皮
飽放寬望眼飢豁脫世情性依人招是非君倘不來治寧
是弱兒男

舟子招

乙酉孟夏早久揷秧為急閏十日早雨微甚聞舟行

之呼入城者乃作歌

蚕桑歌東作秋新豆食新絲抽絡絲不及炊呼茶索飯童
牧牛趁晴晒豆晒菜子乘風颺淨急促收種作耕鉏望天
雨車水插秧忙未休鄉村四月閒人少芒種來時憂過頭
縣官責輸赦莫補太平樂日稀沒古三王五帝存干戈閨
怨征衣安可教亂世多治世少何處無凍餒何處不營伍
雨暘寒燠稍闔心大地何曾有寸土不復我之春不復我
之夏不復我之秋不復我之冬吾不如老圃吾不如老農
問我之所欲不南不北不西不東常在于其中伐鼓考鐘
燕樂嘉賓惟子是沒鳥鳴嚶悲哉晨風冠我裳我胡為
乎風從虎雲從龍我將乘之以達乎中天之宮可以自南
可以自北可以自西可以自東

東門行

何所指古東門行踟躕顧眄經營縱橫何以為樂為樂及時為樂當及時勿辜人一生秉燭桃李園百感傷客情秉燭桃李園百感傷客情寒裳欲別涕泗交零遠客不歸其奈爾為萬事莫關心飢必以食寒必以衣呼天呼父母將可以委之伊誰將可以委之伊誰

還自西山行

還自西山行還自西山涕泗交零呼天呼父母命矣夫何以為情我無益于爾為我無益于爾為悲哉天地濶萬物苦樂惡免生既不能免于生又惡能免于死判于其死順于其生我無益于爾為悲哉命矣夫何以為情

新筍成竿而作

晴久得雨燕雨微推窓出觀雲霧迷雲霧迷亦濕衣田地

晴久得雨嫌雨微推窓出觀雲霧迷雲霧迷亦濕衣田地
兩朝膝爛泥新笋一夜長一尺日中不見抽一絲但須轉
眼莫疑昨事。如是道可推潤物貴潤不貴潑簾前蒼翠
嬾新色寄語田家且莫忙莫嫌雨微斫隴麥村童牧豎歸
學堂穿鞋著襪披衣裳今日書教一何壯明朝插秧鹿
忙

答陳山學韵

老廢填壑影不暇感公輩之子吳妙貝亦肯念方外
我自外復不入僧隊少壯感形儀同人咸嘆喟長子許出
家瞿曇律固背雪山苦行成羅喉闕相對寒衣辟狐羆飢
食慙鳥喙朽木既難雕冀土終斥西一漚巨海浮踪影未
沙汰大哉天地寬于我實無碍太息是流光春秋有代謝

塵網團蟬螭。避染淖飲露。度斜陽。苟延云稍賴。曾多
拂拭。看枯質。增梗概。冥心而為言。餘年求自在。

追和天童紀遊詩

同雲壓竈熟。愧因人六館。飛反陽。欣轉谷。飢鳥欲下
影。舍岐路之悲。彩鷁驚翔。神切高山之仰。衛冬殘于

法社。迭奏梅笳。返夜半于山陰。遙予桂檝。虛陪杖屨

勞結。想于華滋。笑失烟霞。追和歌于雪曲。定推敲于

物色之外。尚憐葵赤。戒心忘真。俗于形骸之中。應共

山青。人眼雖齊。等之濫吹。亦郢斧之是求。

月夜入太白原韵

去。扁舟一葉。輕州堂歸。臥夢同行。櫂材寔合。填溝瘠雲
路。虛陪。過輦。敲枯樹。集鴉。天半冷。重裘披。月嶺尖。明往來。

昏黑真游戲莫惹双空出谷迎

其二 用中峯庵韻

太白峰高天際頭衝寒歲晚遠幽尋名藍淨主非虛席指

尚堂和上客題詩忽滿樓衝法真心開震旦拈花何意落深

秋却教曇彥呼來莫若个能因築塔留

其三 用疊秀軒韻

東臯寄跡不曾藏選勝相招故意長共濟仙舟悲去住失

隨筇杖見聞忙松青萬里攜寒色月白千峯帶夕陽笑指

瓊瓏岩下去參差燈火出禪床

宿中峯菴原韻

朋聯銀燭夜搏幽定有高吟記壁頭梵唄一遶喧暮鼓茶

烟幾縷沸新樓昏真怪僮耐寐寐難禁樹老秋冷觀

野狐穿竹徑。傍人門戶亦淹留。

即類雜其二用入山韵

破沙盆。句口頭。輕佳話。千年世上行。門闌亂。雲香繡。篆樹

啼。閭烏。梵調。敲石。幢倒。插中峰。古青。鳳斜。飛曉。嶂明。紫綬

青衿。相顧。矐蒼松。翠竹。六逢迎。

其三用疊秀軒韵

天地吾人一壽藏。高風寧堵此中長。閒雲亦喜依岩宿。老

石偏能看客忙。結屋命名仍趙宋。栽花塞院賽河陽。天童

歸後荒烟地。又見新詩泛筆床。

其四用天然閣韵

寒威欲逼徑梅開。先遣冰花帶臘回。爐火氣烘聯句客。硯

池波濺看經臺。虎蹄忽避生人去。雀舌頻添香積來。自分

坐巖吾獨後。願將萍跡寄垣苔。

池波戲看經臺虎蹄忽遊生人去雀舌頻添香積來自分
芒屨吾獨後願將萍跡寄垣苔

其五 用出嶺韻

峰圓蒼翠落池明橋隔清閑殿角橫信宿似貪栖托穩懷
歸宜見出山晴欲捐寥廓繙詩韻樂得安閒叶友聲幾度
夢中尋謝屐墻東竹下杖還輕

疊秀軒呈嘯堂老人原韻

嘯翁長嘯莫能藏聲應虛堂殼更長好古開軒標疊秀說
禪陞座憶分忙齡延寶掌同千歲病脫維摩望一陽回首
出宮拚萬善高談對客據繩床

其二 用入山韻

徑轉松行一杖輕籬邊坐鳥看人行雲停西棟啣龍影石
立空山應水毅定後沉檀飄正細喧回笑語聽猶明連朝

更燭煨茶竈特苦僧維委宛迎

其三 中用峰峯韻

堆書盈案道風幽燕雀居然到上頭
烏几照人清失鏡白盆漾石碧侵樓
待炊新笋堪充干解佩香蘭又過秋
逐獸護田珍野芋為供知己故多留

其四 用出嶺韻

長年窓下看華明地僻鱗枝此處橫
山頂龍光收夜雨林梢鶴疾控秋晴
希逢牧笛酬漁唱早見詩筒限鉢聲
高臥凍膿今退叟止知無病使身輕

夜坐天然閣用入山韻

樓壓溪雲柱底輕意中人到試經行
芳菲屈指籌花信風雨聯床聽鳥聲
漫溯萍蓬論夙昔却占星聚啓文明
舊遊

相見芝來慣良會應教罷送迎

相見逆來慣良會應教嚴送迎

其二 用中峯韻

心遠渾忘澗壑幽不圖忽到一遨頭
逡巡剪燭寒銀鹿顛倒披裘暖玉樓
若憶故人懷宿約宜教日一教三秋
黃昏鐘後歸何處茶話宵深趣雨留

其三 用出嶺韻

退居須信道歸藏髮短偏疑心正長
堂構經營方穩當衣冠晉接又奔忙
得毋社燕巢窺閣持少秋葵花向陽
便許逢場竿木戲也須掀倒老僧床

雨中出小白嶺原韻

蛇閑曉雨出平明度嶺肩輿次第橫
興未盡時嫌鳥倦路無窮處想天晴
山行歲暮防途訕舡載人多急櫓
般別思

尚懸峰頂塔大涵橋過水風輕

其二用入山韵

佛法人情兩自輕且教散誕放吾行懷人歲杪看山色及
夜燈花上雨聲為嗅金蘭原有 豈知遠目竟增明追隨

不得空惆悵掉轉還思倒屣迎

其三用疊秀軒韵

優游衆目不留藏領略多來趣味長勝友分行筇竹貴誰
家遣嫁轎夫忙竟歸總是因錢贖再至除非看艷陽聞宿
東臯庄上雨歡呼御史舊南林

其四用天然閣韵

酒歸無佛處偷開無相登山有相回大刹禪和真鐵面法
堂整肅儼烏臺足翻太白双鞮破心換玲瓏片石來不許

閱雲結拄杖怪地石髮魄每嘗

閔雲黏拄杖怪他石髮號莓苔

橫戈

橫戈秉筆下南徐開口來遲見腐儒一紙批來百事了千
船擬向九江渚二語時事也可憐夫却與情情矜矜猶猶記記驚驚看看杆杆血血
餘何似周郎燭赤壁片帆暫媿賦歸欵





蕭何少臣...
 謝文表...
 謝文...

謝文...
 謝文...

續南上耆舊詩第

隨齋

榆林四先生之一

貞靖先生周齊魯

囊雲集選

榆林當明末為諸遺老避跡地而四先生窠高苟
非其所許可者雖有重名皆在割席之列故得與
之唱和者甚希四先生者一曰貞靖周先生一曰
前太常博士王先生一曰節介陸先生一曰前監
軍周先生所唱和曰霜聲集嘗有雕本至其專集
有完有闕有絕不可得者予以霜聲卷中詩叅錄
之各得一卷四先生之詩皆學竟陵而更深之竟
陵詩為公論所最詆然至四先生自足不朽者非
但以其人重也竟陵當承平之世忽墮入鬼趣是
謂無疾而呻所以為亡國之徵四先生既為亡國
之大夫牢愁於邑其人為隱居其詩為放言是直

于天問大招之外另闢一種文字雖泛竟陵入手
 然非竟陵之心城血路所可語也得吾說而存之
 然後可以讀四先生之詩正未許好怪者藉口也
 貞靖先生周齊魯字思沂一字唯一學者稱囊雲先生工
 部郎薇四世孫少就傅嘗終日不聞伊吾聲亦不與同舍
 生交一言茫乎不可測或疑之曰六郎畢竟讀何書窺窺
 之則南華楞嚴二經也故其文不循一切律度獨存性靈咸崇禎癸未進士知
 順德縣宗老前侍御昌晉嘗官粵為日慎毋得罪巨室是粵中第一流
 也鍵也先生笑而頷之既之官九鋤強禦相德多盜先生以為鐵寒所致吾
 人社倉之法意非不美其利易盡其弊亦易生乃變為義田而以社倉之
 法行之其初置義田也貸貸于富家限年以租所入十五給耕者十二償富
 家十三以備賑不數年而崇盡償田可日增沿海故有椿間之設以備盜先
 生謂非良策我所設亦易朽不如西北弓箭屯堡之制募鄉勇為捍禦
 則官軍可省去兵兼去餉之利大吏是而行之先生之官方八月大吏被

例具疏而為窳庸不便之會知禮者山縣故相黃士俊家居多蓄為期以家氏

例具疏而巨室頗不便之會知權香山縣故相黃士俊家居多蓄無賴以害民縣令至必令執贖稱門下否則搖而去之先生至捕其客之甚者置獄以沉氏之法授之海中士俊營求不得大怒兩京徒隔閩中立君士俊復為揆輔思去之有蔡人欲渡海入蔡內也直指許之先生以為狼子野心不可令通內地力持不可直指亦恨之乃以士俊所揭願縣先生即日以所佩印交之太守不許交之監司不許乃徑至行省交之撫臣部民聞先生棄官去浮海乞番者數萬城中趨為寇至開門拒之先生竟乘潛突出買舟西行歸至浙東則百城內附先生在道中聞吳太常嘉齊黃儀部海所及國皆其房考也痛哭以不得從之為恨至是不入城趣入榆林祝髮石蓮榆林有小盤谷者即謝遺塵所云雲南也先生徘徊其間曰是可避世其入山之道當由一谿水嘗沒蹀以上先生謂過谿必須筏否則須舟否則須梁須是三者即須木須竹須石即待負亦須人吾自能涉惡所須或曰即欲度谿亦須履先生謂須履即須草即得草待洵亦須人吾自能跳焉所須其稱草瓢也束竹覆茅皆出已手漏則親登屋葺之或墮也血淋不以為苦得懸崖一奇木製為棧和日坐臥其間題曰雲梯捨燒餘以為爐狀皆從古間作繪事亦蕭散絕塵同年生王爾祿為海道求見之不可得

以茶餽之謝以詩而不往也。以書招之。荅曰孤雲去來朝不知暮宿所。舉自有河山之隔。從此更無八贊八行。及太孺人喪。帝之則于喪次一謝而已。或以直指意招之。且動以禍福。荅曰所欠惟一死無他求也。所親謀強之入城。至郊南欲自投于水。其孤峻如此。于是雪竇僧石竒以先生為佞佛也。者將付之法。已而聞先生返其西村。必入孺人之室。誦曰是殆庶極未斷也耶。其和者以先生存記而無庸不欲墮身佛國。是則非石竒所能也。辛亥卒。同里私謚曰貞靖。所著有叢雲集。是時周氏遺民極感以荇。晦于軍持者有三。其一即前通城令。昌會狎狂。以死日朝和尚。其一即前是南守。元懋。沉淪以故。曰醉和尚。而先生以野和尚稱。所為謂三和尚也。已見第十五卷。先生諸子皆工詩。惜不傳。

子夜歌

不願共懷衾。身在心有彼。可願在彼時。有心或似此。欲為機上素。裁衫與即着。猶怪襯即肌。即心恰不着。亦或貽即心。有時不着睡。頭為酒洗即。睡醒與還醒。亦不願為醉酒。三無十日醉。願即為儂。儂自如即意。

侍寮即事

乍飛寒日光中雪似落晴蜂聲裡梅雲斷天終隨眼接窓
明紙不陽心開更無一事恨唯火相對滿頭都是灰

雨

可、花兼石隔憲無多地足不便能前尚嫌艱一至况遠
所懷人空深相到意出門無行路閉門還數四回身讀古
書讀到書無字差幸古人心少、于茲值

下虞美人罌粟洛陽子

豈惟口腹累栽蔬植竹茶以何抒心目聊圖隔歲花有木
不甚古有石不甚瘦山理多樸直兼將花補綉雲雖都作
水不住點淫、能濕身上衣不濕種花心折脚莫做泥踏
斷鞋繩草晴新雨着舊山窮州公寶不獨涼露後是花出

胎時佳晨香良晤消閒仗有茲

過黃坑移茶植囊雲

路幽人不涉誰話一峰明時、渴煮茶但聞鐘自聲勝于
齒牙慧更喜心神清索居賴有此將與為平生山之所不
足人可加生成出壁荷鋤往草、撥露行溼露半衣履未
寒涼思盈歸來滿蒼翠植之以微誠我心先樹根淺深土
中迎由碗勤作地汁葉佐香杭學農苦衰年兼以代躬耕
元旦次日擬過乳峰雨阻

能與同心者不惟隔又山差欣萬木裡得近一峰間佛法
固無有世情念此那何妨遲所晤獨坐水潺々

病阻

晴已山非昨無幽路不明積懷仍莫展春色空相迎竟日

晴已山非昨無幽路不明積懷仍莫展春色空相迎竟日
孤茅卧但聞新鳥鳴爰回推枕起望盡樹俱聲

陸敬身八十山中却寄

花有香堪課時隨蜂與忙親用非獨遠歲月亦相忘傳說
翁年耄者知松影蒼簡開窺鏡艸倚樹誦千行
桃源不似昔花木公風塵何樹可深語如翁無一人夢從
溪更曲思與月俱新欲就觴前祝雲來即我身

入天臺

衰年差喜健着得草鞋行有足何愁濕尋山不必晴路非
無處入雲却此中生自向茲峰久到來惟雨聲

甬江城東補陀寺略錢聖月

誰知與山遠猶有山心人雨後僧中見聲前話已親千懷
多欲悉一略略無陳况宿霜鐘下君家是近隣

蕙江舊城訪邵安之

何須三徑僻柳樹種當門庭似秋深水人如霜後園但隨
緣即住搃與念無存覺我中猶窄難堪城市喧

出蕙江新城南往木葉潭訪邵得魯

澄潭深綠無可擬比之木葉差相似縲紲餘生出萬死走
向潭邊卜居址破屋頽垣石亂祀霜冷月冷竹作被何甘
窮落乃尔々曰去此水無知己我來渴訪高人里欲借此
水洗此耳洗耳猶恐汗此水但許澄溪笑相視主人一見
忙呼子抱瓮汲深澄潭髓煮以為茶遠茶理十里行遙得
飲此何須看核更陳几歸途况有潭風起須臾送入江城
裡

題沈洵如非水舟

長時泊襯小軒樓不借江溪半點秋只為有心原是水何妨所在即為舟豈看山遠須撐出若問懷來已坐酬莫謂好風吹不去月明處：荻花洲

過蓮喻菴訪魯儂生

屋小魚聲冷室依水一池葉花不見處香色正深時或只茶堪與許來人是誰到余么偶尔果否可相宜

平湖晤倪伯屏同年

城居屋似水冷淡滿湖漪有座惟懸佛非僧好款緇我來因是衲君可認為誰舊日兄弟弟相看天不知

元旦南廣即事

雨雪忽隨殘臘盡冬無葉樹也開顏江原去此無多路野更寬于不見山漫道國山生可媿却緣人嬾禮都州大家

草々相酬罷圍聚爐頭向火間

隔夜雖分新歲首可曾便改舊容顏不知今日何論昨看
破梅花即是山綺節喜因荒寺減勢勝也趁曉雲刪却思
多少峰高處一箇人無如此閒

林西明兄盲目復明

豈天有日昏人亦有目瞽白晝相摸捫子豈不識父似此
夢々時翁心獨古々不盲心中光重向鼻邊吐一眼具一
天將為衆盲主何必頂門開夜半日輪午

二月初四日同王水功錢文蔚自一牀過寶岩

誰解梅花意當時滿路栽相嫌獨自冷定喜拉人來莫謂
多飛去只如半未開香猶殘不減何碍春風催

孤兒行

有父國沒無地側足出身云：殺兒為族有母夫亡無天
可屋就身冥：并魂月宿棄此呱：出腹肉不知死但知
哭。如。無。兒。良。聽。彼。握。持。刑。禍。方。熾。素。心。府。疑。領。血。濺。地。誰
與。為。收。有。骨。無。手。唯。目。是。仇。何。幸。死。者。猶。有。知。己。尾。虎。不
啞。隱。忍。善。履。使。人。不。知。死。尚。有。子。使。子。亦。不。知。生。我。者。知
死。吁。嗟。：。能。勿。悲。彼。在。地。上。雖。無。孤。兒。朝。夕。不。相。離。不。啻
如。地。下。父。母。無。從。面。孤。兒。欲。語。心。復。何。時。肺。肝。相。向。攢。腸
為。眉。吁。嗟。：。能。勿。悲。

陳聚德六十

唐家平園山面：高下沙田可稻麻水去水來兩不見但
見溪聲送落花有人與世不相入挈子携妻于此家一峰
門外路接頂別結孤茅雲半遮窳：香光誰晤語不必是

人啼樹鴉此意妻子知不知自誇自哭自笑嗟今年六十
人逾老始驚歲月茲山久滿眼知交一顧無只賸青、山
聚首想翁即以山為心所期與之終莫負心中有山是何
心知翁或惟陶家柳記昨燒茆刺芋粟兩宿涼生露下肘
別來半載各山居相思安得時把手同看山月踏山頭人
走月走山亦走

自囊雲步六十里至鳳城西呂明宇樓齋見汪叔度詩
夕陽中歌足暮色候人間偶接霜餘句淡于秋後山似重
著屐去更趁遠雲還多路忘眠倦豈惟花幾開

汪叔度名函奉化晦谿人也丙戌以諸生從戎同
黃公太冲統兵入杖錫思扈沒出海不克而死詳
見太冲行朝錄而別有一
汪叔度者名洋亦剡源人

坐半偈

地何須僻甚。略隔遠山城。戶迴深林影。竹分疎雨聲。豈無
而入耳。搃是不閑情。獨為聽茶熟。頓問小鐙。

呂明字五十

世能聞道。托身闐闐間。處喧如聽瀑。入市等尋山。雖與
衆接跡。不殊獨坐閒。心空隨處是。松石水潺湲。

李君龍卻得魯過囊雲

山非便世外。獨有意無紛。雲得我俱寐。雨因蔬不葷。正嫌
持此况難遠。語向君今日。一峰坐未知。何所聞。

寄其然弟

無多幾日別。罌粟未開時。不覺結成子。復開花滿籬。山容
老。名易世事了。無期爾有親。頭白為余一問之。

六十自言

淒風苦雨今何似，非復前時秋。與春山亦恨無減，路處多
予。猶作此山人。
愧不悉如髮盡去，尚存松下一孤身。我雖仍喚松為樹，未
必松呼我是人。
不覺溪山將廿載，今年又祭去年梅。縱然身老寒香裡，何
似埋深土一坯。

酬王水功自一叔以我六十遠過囊雲

久已殮惟幾岫雪，不無埋却一山雲。只憎白石青松下，形
影依然接見君。

難是多年終一過，却無好句可酬君。欲呈新擬陶家作，只
有空山自祭文。

聞殷清同佩公訂寶岩看梅

梅花亦何幸，乃得伊人期。自是看梅人，不異梅花枝。人花

梅花亦何幸乃得伊人期自是看梅人不異梅花枝人花
偶然湊定有偶然詩緘之應寄我香玉冷鬚眉何殊行與
去花寺相追隨

王水功以扇索画并題

將謂醒塵飛不到青山有路幾曾聞安能長此稀行跡只
得松依石瀨間

寧一拵菴

豈不艱于就隱心固所甘欲邀雲共住併與石同叅山景
青依路波聲流到菴且將無限事拋入向溪南

得友人札寄自上雪

咫尺猶艱路單緘寄所思書仍無別語訂只入山期遠湊
梅開白因之讀與知但愁君到晚花落已多時

荅林天洙

會出西城路尋煙過我廬只如昨日事不覺廿年餘白髮
猶懷故清溪遠寄書偶然得片楮比却晤何如

書中云好道心遠跡應俱能到無山隔難行有杖扶峰高
易覓路髮禿幸同韻肯暫來雲宿飛花作藁鋪

正月十九日雪

入春來半月雪傾余三度誰謂空山頭獨立無與晤

范簡岩索画并題

更餘何者還如昨只有蒼山幾堆一水依然聲不斷時
呼風兩石中来

妙高峰退菴大師七十

山寺初相識翁年纔六旬隔如幾朝暮忽爾十冬春無事

山寺初相識
翁年總六旬
隔如我朝暮
忽爾十冬春
無事
松依老唯詩
花與新風來
紅雨亂誰謂
一身貧
託足幾無可
寒依雪一枝
即今成道日
正是會君時
冠屐
存唯衲身
心白以緇
峰高人更古
只許月明隨









浙江圖書館善本

乙 登記號：021712

一九 年 月 日





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19 20

TIFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black

